

KULWELA LOKUKHOLWA

Ngiyabonga, Mnaketfu Arganbright. Sanibonani kusihlwa, bangani. Loko bekukwetfulwa impela, bekungesiko yini, "Mengameli wase-United States"? Siyajabula kuba lapha kusihlwa, kulehhola lapha eGeorgetown, e-Indiana.

² Njengoba bengehla ngemgwaco emizuzwaneni lembalwa leyendlulile, kutsi nje kuletse lokutsite enkhumbulweni yami. Lenye yetinkonzo tami tekucala tekuphilisa lengake ngaba nato, kwakuseGeorgetown, e-Indiana. Futsi bekunemalunga lamangakhi kulomhlangano ngephandle lapha eWolfe Grove, ngesikhatsi ngingephandle lapha eWolfe Grove na? Kunesandla salotsite emuva lapha, lababili noma labatsatfu babo; ngesikhatsi singephandle eWolfe Grove. Ngikholwa kutsi bebanadzadze lomncane, lobekahlala enhla lapho eNew Albany, kwakukadze kuyiminyaka lengemashumi lamatsatfu nesihlanu asishosha; wahamba kwekucala ngca. Noma, bekasichwe, ngikholwa kutsi bekanjalo, futsi angazange sekahambe.

³ Yebo-ke, ngisenawo uMlayeto lofanako kusihlwa, "Jesu wafela kusindzisa nekuphilisa," futsi angikawuguculi nhlobo. Kusukela lapho, kubekhona incumbi yetintfo letentekile. Ngibone ngetulu kwesigidzi semiphefumulo leletfwе kuJesu Khristu, netibonakaliso netimanga emhlabeni jikelele. Emakhosi nebabusi labakhulu netikhulu bakhulekelwa, futsi baphiliswa ngumusa waNkulunkulu wetfu. Futsi sijabula kakhulu, kusihlwa, kwati kutsi Nkulunkulu usenguye Nkulunkulu, futsi Akagucuki.

⁴ Ngiyajabula, kusihlwa, kubona umngani wami, Dkt. Cauble, lapho. Angati noma ukhona losametfulile noma cha, eBandleni leMnyango loVuliwe, eLouisville. Besewetfuliwe, Mnaketfu Cauble na? Ungasukuma umzuzwana nje. A—angifuni kumhlaza. Kodvwa, Dkt. Cauble, lovela eBandleni leMnyango loVuliwe. Cishe impela wonkhe umuntfu uyamati, niyyacabanga, khona lapha, ngoba unenkonzo yemsakato, nenkonzo levelele impela.

⁵ Futsi-ke ngiyacabanga, sibe netinkonzo letitsite letinhle kakhulu eLouisville, eKentucky, naDkt. Cauble. Kuhlala njalo kuyinjabulo kuba naye emihlanganweni. Khona-ke, laba labanye bafundisi lapha, futsi, ngicabanga kutsi labanye babo uvela emabandleni asekhana. Futsi, bazalwane, ngingahle nginganati, kodvwa ngiyajabula kutsi nilapha, nekulangatelela kulesikhatsi lesi lesincane senhlanganyelo ndzawonye. Kutsi akube satiso lesisheshako. Beningati kwaze kwaba lilanga lakutsanti, ngikholwa kutsi bekungilo, kutsi bengehla.

⁶ Futsi uMnaketfu Arganbright, wakho...lomunye webafana bakho lapha lovela kulendzawo, kubomakhelwane, ngani, niyati kutsi usebenta kanjani, ngesikhashana. Njengoba nje uMoya ubonakala umhola, ngani, ucala kuhamba.

⁷ Kungesiko kadzeni, bengi...O, etinyangeni letisitfupha noma letisiphohlongo letendlulile, bengihleti ekhaya, ngalelinye lilanga. Futsi nje ngilungiselela kuya eDenver, eColorado, engcungcutheleni. Nalomfo lomncane wangena endlini, futsi watsi, "Mnaketfu Branham, nginesambulo lesikhulu lesivela eNkhosini."

Ngatsi, "Yebo, mnumzane."

⁸ Watsi, "INkhosi ibeka iZurich, eSwitzerland, enhlitiywensi yami, kutsi ngiye ngakhona." Watsi, "Ufuna kuhamba nami?"

⁹ Ngatsi, "Yebo-ke, nginebusuku bunye ngale eDenver. Futsi-ke ngiya kulomunye umhlangano," ngatsi, "akukabaluleki kakhulu. Ngani na?" Ngesikhatsi ngisacabanga ngako kakhulu, ngani, kwabonakala kimi, kutsi kube bengati uma uMnaketfu Arganbright bekanesambulo salokutsite, sasisihle, futsi sivela kuNkulunkulu.

¹⁰ Futsi saya eSwitzerland, neNkhosi yasinika imiphefumulo letinkhulungwane lettingemashumi lasihlanu. Ngahamba, kusukela lapho, ngaya enhla eKarlsruhe, eJalimane, futsi Wasiniketa letinye tinkhulungwane lettingemashumi lasihlanu, khona. Wenta imiphefumulo letinkhulungwane letilikhulu kulowomkhankhaso lomncane. Kutsi Wasibusisa kanjani! Futsi—futsi manje sihela, kulelihlobo, noma kusenesikhatsi kulelikwindla, kubuyela e-Africa, naseSwitzerland, eNdiya, kuvakashela tindzawo letineni eveni lonkhe.

¹¹ Ngiyahamba manje ngiya eMinneapolis, eMinnesota, enhla lapho enkhundleni yetemidlalo ngentele inkonzo lelandzelako. Bese-ke, entasi, eSioux Falls. Ngale eMexico lendzala, entasi eDolobheni lelidzala laseMexico, inkhundla yetemidlalo lapho. Siyabuya, siya eEast Coast. Bese-ke, kusuka lapho, siye e-Anchorage, e-Alaska. Khona-ke sitoba nemihlangano letsite yaseMerica. Sinaleminye...lithende lelisha lelitako, silungiselela bantfu labatinkhulungwane, nemaveni, futsi nalokunjalo, ngemihlangano lembalwa yaseMerica ngaphambi kwekutsi sibuyelevu ngesheya kwetilwandle.

¹² Empeleni siyayidzinga imikhuleko yenu ngalapha. Lana kusekhaya bafo, niyati, kubuya ekhaya futsi, futsi siyayitfokotela impela imikhuleko yenu.

¹³ Futsi njengoba singena kuletinkonzo leti letincane tebuvangeli, asiti kutomelela noma nguliphi libandla, noma nguliphi lihlelo, noma ngumaphi emacembu lakhetsekile ebantfu. Sita kuphela ngoba siyamtsandza Jesu, futsi sati kutsi niyaMtsandza, nani. Futsi singena kuletindzawo leti tesikhatsi senhlanganyelo, kutsi sihlanganyelevu eVini laKhe,

nangekutungeleta sibusiso saKhe lesetsenjiswa. Futsi ngi... Nguleyo kuphela inhloso lesinayo, kwalemihlangano lena.

¹⁴ Futsi siyajabula kusihlwa, kutsi sibe neMnaketfu Tommy Nickelson kanye natsi, lapha, kutsi ngicinisekile kutsi wetfulwe nguMnaketfu Arganbright, longu—ngumhleli weli*Phimbo* leMadvodza langemaKhristu, emaveni. Licembu lemavodza lengitigcabhako kuba kulo. Nge—nemaDvodza labosomaBhizinisi labangemaKhristu labakhe lenhlangano yabo, futsi sekube ludzaba lwemave ngemave. Bayangisita ngetimali emihlanganweni yami leminengi emhlabeni jikelele. Futsi ungumhleli weli*Phimbo* lemaMadvodza langemaKhristu.

¹⁵ Futsi ngako besikadze siphumile, namuhla, sitfola timfakazo letitsite tetigulane letindzala, kubona kutsi ngabe kophilisa kwaNkulunkulu kuhlala sikhatsi lesidze noma cha. Sehlela kuNkkt. Carter. Ngiyetsema kutsi balapha kusihlwa, Georgie naNkkt. Carter. Futsi Georgie ungulesinye setigulane lesaphiliswa, ngiyakholwa, cishe eshumini nakune, lapho eminyakeni lelishumi nesihlanu leyendlula.

¹⁶ Futsi lenye yemadvodza enu alandzaweni lapha, uMnumz. Hall, lokwakungulomunye walabaphendvukile belibandla iMilltown iBaptisti, lapho ngangivame kuba ngumelusi khona. Futsi waphiliswa lapha eminyakeni lembalwa leyendlulile, anemdлавуза; asaphonselwe lithawula eLouisville, bodokotela, naseveni lonkhe. Futsi uphilile, ulapha, kusihlwa, uphile saka futsi uhlahlambile. Ngiyambona uhleti ukhona.

¹⁷ Futsi sawelela endzaweni lapho iNgelosi yeNkhosi yehla khona futsi yangitjela kutsi ngenteni.

¹⁸ Futsi manje, bangani labangemaKhristu, kuleliphu, sita kulentofo lena. Asitisho kutsi singenta noma ngukuphi kophilisa, njengoba inkonzo yetfu yebashumayelii ingakufaki kophilisa kwaNkulunkulu, kodvwa siyahholelwa ekuphiliseni kwaNkulunkulu ngoba kuliVangeli. Futsi akukho muntfu longaphilisa noma ngubani. Kophilisa akuhlali emandleni emuntfu. Kophilisa kulele eMandleni aNkulunkulu. Futsi Nkulunkulu akamniki umuntfu emandla ekuphilisa.

¹⁹ Nkulunkulu wanika Khristu kuphela u—umyalo kutsi ete emhlabeni, kutsi afe esikhundleni setfu, ngenca yetono tetfu nekugula kwetfu. UmBhalo watsi, “Yalinyatwa ngenca yetiphambeko tetfu, ngemivimba yaKhe sa,” sa sikhatsi lesendlulile, “saphiliswa.” Futsi sikholwa kutsi etikwekuvuma kwetfu kwekukholwa, kutsi Jesu, umPhristi wetfu loMkhulu, ufile futsi waphindze wavuka, kususa sono emhlabeni; futsi uhleti ngesekudla saNkulunkulu, Babe, lapho enta khona kuncusela etikwekuvuma kwetfu. Futsi ngesikhatsi Afela tono tetfu, Bekangeke afele tono ngaphandle kwekuvela kugula.

²⁰ Kugula kuyincenyе yesono. Manje, mhlawumbe awuzange sewone, nguloko lokukubangela kutsi ugule. Kodvwa

bekungenca yesono, ekucaleni, lokwaletsa kugula emhlabeni. Ngaphambi kwekutsi sike sibe nesono, sasingenako nekugula. Kodvwa ngesikhatsi kufika kugula, sono siyincenyenye.

²¹ Futsi, manje, ungeke usebentana nesono, noma ngayiphi indlela, ngaphandle kwekusebentana nekugula noma yonkhe incenye levetwa sono. Sono, uma sisebentana nesono, sisebentana nekuva. Uma sisebentana...Futsi kugula kusi—sigaba sekucala sekufa, uma kugula kutsatsa umtimba wakho.

²² Ebusuku lobunjengalobu, kwembutsano munye lomncane, satiso setinsuku letimbili kutsi nine bantfu niphume futsi nibutsane kulesakhiwo, kusihlwa. Kungabamatima kutama kuya emininingwaneni, lebesingaba kuko emikhankhasweni lapho sitotsatsa khona emaviki nemaviki, kuchaza kutsi, "Yini kugula? Kuvelaphi futsi?" Akukho lutfo ngaphandle kwekutsi kunesizatfu sako, futsi kunembangela. Futsi ungeke utfole likhambi ute utfole imbangela.

²³ Bengisho, lapha kungesiko kadzeni. Kube ngiye kudokotela...Impela angikamelani nabodokotela. Bahlindzi, kuhlindvwa, tibhedlela, tonkhe tingemacebo aNkulunkulu. Kodvwa kube bengiye kudokotela futsi ngamtjela kutsi bengiphetfe yinhloko lengapheli, futsi bekatonginika liphilisi lebuhlungu, futsi atsi, "Manje, hamba, Billy, loku kutolunga." Manje, leyondvodza ingisusa emehlwani ayo nje. Niyabona na? Yona, i...Dokotela sibili bekatocilonga sifo sami bese uyabona kutsi yini lebeyingalungi ngami. Bese-ke ufinyelela phansi ekugcineni, lapho kukhona, bese-ke ucala kusebenta kusuka lapho.

²⁴ Yebo-ke, manje, nguleyondlela lesifanele sisebente ngayo e—ekuphiliseni kwaNkulunkulu, noma ensindzisweni yemphefumulo. Uma umuntfu efika futsi atsi uphatamiseke kakhulu ngekusindziswa kwakhe—kwakhe, intfo yekucala lofanele uyente, nine bashumayeli leniyentako, nishona phansi elayinini nize nitfole, emuva lapha, lapho anyatsele eceleni khona noma kutsi kwentekeni. Kusukela lapho uyakuletsa. Leyo yintfo lefanako lokungiyio ekuphiliseni kwaNkulunkulu.

²⁵ Lokukutsi, kuphilisa kwaNkulunkulu akusiwo emandla latsite Nkulunkulu lawanikete umuntfu. Kuphilisa kubekwe bodvwa ekubuyisaneni.

²⁶ Ngifuna kunibuta lokutsite, ngoba ngiyati kutsi kuneafundisi lapha labavela emabandleni lehlukene. Futsi bewungayishumayela kanjani insindziso yemphefumulo na? Intfo kuphela...Bewungeke utsi...Sitsi, "Yebo-ke, ngaphendvuka, Mnaketfu Branham. Ngasindziswa eminyakeni lelishumi leyendlula. Ngasindziswa eminyakeni lengemashumi lamabili leyendlula." Cha, lelo liphutsa. Wakwemukela, mhlawumbe, eminyakeni lelishumi noma lengemashumi lamabili leyendlula. Kodvwa, wasindziswa eminyakeni

lengemakhulu lalishumi nemfica leyendlula, ngesikhatsi Jesu af a eKhalvari. Wacatulula umbuto wesono, ingunaphakadze, lapho. Ngulapho la Abhadala khona intsengo lenkhulu, wenta umhlatjelo lomkhulu, kutsi, ngekufa kwaKhe eKhalvari, khonake sinelilungelo ensindzisweni. Intsengo seyibhadelwe.

²⁷ Ngako, akusiko lokwentako. Kunguloko lakwentile Yena. Nekukholwa kwakho lokucondzene nawe, nekwemukela loko, kuletsa insindziso yakho. Futsi manje, kutsi, "Yalinyatwa ngenca yetiphambeko tetfu; ngemivimba yaYo siphilisiwe tsine." Niyabona na?

²⁸ Bengihlala njalo ngenta lesitativende, kutsi wawungeke—kutsi wawungeke nhlobo nhlobo... Uma inyoka, noma silwane lesitsite besinesidladdla saso emhlubulweni wami, futsi besisika emhlubulweni wami futsi singibulala, asikho sidzingo sami sekutsi ngitame kujuba lesidladdla saso. Sishaye nje enhloko. Buulala inhloko yaso; kutobulala wonkhe lomtimba.

²⁹ Yebo-ke, kungaleyondlela ke ngekuphilisa kwaNkulunkulu. Ngesikhatsi Jesu asebentana nekugula noma sono, eKhalvari, Wadzingeka asebentane nenhloko yako, lokwakusono. Futsi, ngekwentanjalo, Wasebentana nekugula ngako. Bekangadzingeki kutsi ajube lesidladdla. Wavele wabulala inhloko; loko kwanakekela konkhe kwako. Ngako, Jesu uyafika, kuletsa esiveni lesibantfu, yonkhe intfo le—lesive sa-Adamu lesasi...noma, Sono sa-Adamu sabhujiswa ensimini yase-Edeni. Futsi manje sinetincenye, noma sibambiso sensindziso yetfu yaPhakadze, njengoba semukela Khristu njengeMsindzisi wetfu, noma Khristu njengemphilisi wetfu. Sinaloko, imali lesibambiso sekuhlungwa kwetfu konkhe, uma Efika.

³⁰ Siyalingwa. Sonkhe siyalingwa. Sonkhe siyona. Kute lote sono. Nsuku tonkhe siyona. Pawula watsi bekadzingeka kutsi "afe nsuku tonkhe." "Futsi uma sitsi siyona, futsi asinasono, khona-ke," liBhayibheli litsi, "senta Nkulunkulu acambe emanga." Futsi besingeke sikwente loko. Ngako, sona nsuku tonkhe. Futsi ngumusa, umusa waNkulunkulu, losisindzisako.

³¹ "Futsi njengoba sivuma emaphutsa etfu, Nkulunkulu unebulungiswa kutsi atitsetselele." Nekuvuma kwakho—kwakho, kuphela nje uma kubambelela kahle, insindziso yakho iphelele. Kuyafana nekuphilisa kwaNkulunkulu. Kukholwa kwakho lokucondzene nawe eNkhosini Jesu levukile.

³² Ngako, kusihlwa, ngicabange kutsi ngitawuvele nje.... Ngekuba nalesikhatsi lesi lesincane senhlanganyelo nani, futsi kulendzawo lapha lapho onkhe emabandla angakhona khona, lelicembu lelincane lebantu, lingabutsana ndzawonye nje lapha edolobheni lelincane le—leGeorgetown. Futsi, tsine, kucala sifuna kubonga kuMnaketfu Arganbright nalabo labente loku kwenteka. Sifuna kubonga libhodi lesikolwa ngekusivumela sibe nalendlu yekutivocavoca, kusihlwa, ngalenkonzo. Futsi

ngifuna kubonga wonkhe umshumayeli lolapha, nalo lonkhe lilunga lanoma nguliphi libandla, noma ngabe yiPhrothestane, iKhatolika, noma ngabe libandla leMtsetfo, liJuda, noma kungaba yini. Siyabonga ngani kutsi nibe lapha, futsi sifuna nati kutsi asifaki tintsambo noma akukho kunamat selana kunoma nguyiphi inkholo yalomunye. Nomayini loyikhholwako, kuphela nje uma ukholwa eNkhosini Jesu Khristu, futsi UNGUMsindzisi wakho, ungumnaketfu nadzadze. Futsi, ngako, nguleyondlela lesikukholwa ngayo.

³³ Futsi manje sineLivi laKhe lelibusisiwe lapha embikwetfu. Manje, kukhona noma ngumuphi umuntfu longakhona ku—kudvonsa lelo ngemuno wakhe, longalivula ngalendlela, kodvwa akukho muntfu longavula leNewadzi, kucondza, ngaphandle kwaKhristu cobolwaKhe. LiBhayibheli labhalwa ngekuphefumulelwa. Ngako-ke, asikhotsamise tinhloko tetfu umzuzwana nje, kukhuluma neMcambi, ngaphambi kwekutsi sivule leNewadzi yaKhe.

³⁴ Babe wetfu lonemusa, Babe loseZulwini, sibutsene lapha egameni leNdvodzana yaKho letsandzekako, iNkhosi Jesu, Lowafela ngesihle tono tetfu netiphambeko. Wafa kute Asisindzise emphilweni yesono, futsi asiyise eKhaya eZulwini, ngalolunye lusuku lolutsite lwenkhatalulo ekuBuyeni kwaKhe. Wafa, futsi, kutsi ngemivimba yaKhe kute siphiliswe ekuguleni kwetfu. “Futsi Yalinyatwa ngenga yetiphambeko tetfu. Yahubulwa ngebubi betfu. Sijeziso sekuthula kwetfu sasisetikwaKhe. Nangemivimba yaKhe siphilisiwe tsine,” kusho umprofethi.

³⁵ Manje, siyakhuleka kuWe, Babe loseZulwini, kutsi ubenemusa kitsi, nekutsi sinalobusuku lobubodywa nje lapha kulelidolobha. Sikhulekela kutsi Utobusisa labo lowente loku kwentekе ngenca yekubutsana, nalabo lababutsene natsi, kutsi bahlanganyelevi. Futsi siyakhuleka, Babe, kutsi Utobusisa wonkhe umuntfu loseBukhoneni bebuNkulunkulu, futsi. Futsi kwangatsi kungaba busuku lobudze kutsi bukhunjulwe. Kwangatsi kungaba busuku lobufana nembutсано webaphostoli wetinsuku letendlulile, ngesikhatsi bantfu babutsana ndzawonye, emacembu lamancane.

³⁶ Ngalobunye busuku ngesikhatsi Pawula loNgcwele asashumayela le ekhatsi ebusuku, insizwa, siyafundziswa, yawa esitezi lesisetulu, futsi imphilo yayo yasuswa kuyo. NaPawula wabeka umtimba wakhe etikwalomfana, naNkulunkulu wambuyisela kuphila kwakhe.

³⁷ Siyabonga kuba neliVangeli lelifanako, kusihlwa, kushumayela kubantfu, kutsi Nkulunkulu usaphila futsi uyabusa. Uphilisa labagulako. Utsetselela tonkhe tono tetfu. Futsi, Babe, siyakhuleka, kusihlwa, kutsi Utosibusisa njengebantfu.

³⁸ Futsi, manje, Wena ushito eVini laKho lelitfobekile, loku, “Uma nicela kuBabe noma yini eGameni laMi, Ngitolwenta.” Futsi siyakholwa kutsi loko lesikucelako, siyakwemukela, ngoba kuhambisana neLivi laKhe.

³⁹ Futsi uma sisuka lapha, kusihlwa, emacenjini lehlukene, ekuyeni emakhaya etfu lehlukene, Ungasivakashela ngendlela lenjalo, kutsi sitoba nebufakazi enhlitiywemi yetfu; nengcogco yetfu, njengoba sisuka lapha, kuyoba njengalabo lebebavela e-Emawuse ekuvukeni kwekucala, ngesikhatsi sebabonane neNkhosi Jesu levukile kwekucala. Batsi, “Tinhlitiyo tetfu betingavutsi yini ngekhatsi kwetfu, ngesikhatsi Akhulumna natsi endleleni na?” Kwangatsi Ungakhulumna kuyo yonkhe inhlitiyo kusihlwa, ngoba sikucela eGameni leNdvodzana yaKho letsandzekako, iNkhosi Jesu. Amen.

⁴⁰ Sivula eVangelini laJuda loNgcwele, eBhayibhelini, lokunguyona newadzi yinye kuphela, sahluko sinye. Futsi evesini le 3 lalesahluko lesi, ngifisa kufundza sihloko lesincane nje, kutfola ingcikitsi kuso, ngaloko lengitotsandza kukhuluma ngako kulemizuwana lembalwa lelandzelako. Khona-ke sitokhulekela labagulako.

*Labatsandzekako, . . . Ngenta konkhe kucaphelisia
kunibhalela ngensindziso leyejwayelekile,
bekuswelekile kutsi nginibhalele, nekunikhutsata kutsi
nifanele nikulwele ngesizotsa lokukholwa . . . lokwake
kwetfulelwa labangcwele.*

⁴¹ Futsi kwangatsi iNkhosi ingeneta tibusiso taYo eVini laYo. Loku kwabhalwa eminyakeni lengemashumi lamatsatfu nakutsatfu emvakweluSuku lwePhentekhosti, emvakwekulfululwa kwaMoya loyiNgcwele kulabangcwele basekucaleni. Juda utibita ngenceku, nemnaka, kuJesu Khristu, futsi wabhalela leNewadzi lena eBandleni, futsi wabatjela kutsi bafanele ngesizotsa balwele. Indzawo lekuphela, emiBhalwени lengcwele, leyake yasitjela kutsi “silwe.” Ngoba, asikafaneli sibe nekulwa emkhatsini wetfu. “Kodvwa ngesizotsa silwele lenhlosos, kuKholwa lokwake kwetfulelwa labangcwele.” Futsi, loko, asikafaneli kutsi silwe, futsi asitami kulwa, kodvwa sifuna kubhekana naloku.

⁴² Uma ngingabuta, kusihlwa, “Mangakhi emaMethodisti lebelilasicukwini? Mangakhi emaBaptisti lebelilasicukwini? Mangakhi emaNazarini? Pilgrim Holiness? Khatolika?” bekungaba netandla letiphakamako. Futsi ngisho nalelicembu lelincane lebantfu lapha, kusihlwa, kungaba netandla letinengi letiphakamako. Futsi ngamunye wetfu, emahlelwani etfu lehlukene, besingatsandza kutsi libandla letfu belilwela loko kuKholwa lokwake kwetfulelwa labangcwele. Beringafuna kukusho ngelibandla leBaptisti, nalomunye futsi bekangafuna kukusho ngelibandla leMethodisti, lomunye lotsite ngelibandla

leKhatolika, nalomunye mayelana... Bekuyoba ngaleyondlela emacenjini lamancane ebantfu. Manje, ngifuna kukholwa kutsi sonkhe silwela loko kuKholwa. Ngikholwa kutsi wonkhe umuntfu ulwela, ngekwati kwabo konkhe, ekuKholweni.

⁴³ Kodvwa, kuloku, sibona emahlelo lamanengi lehlukene, kutofanele kube nentfo letsite lengiyo nentfo letsite lengasiyo. Manje, nguleyondlela lengitama kuba ngayo, mnaketfu, dzadze, kutsi kukhona... Awuzange sewuyibone indvodza ledzakiwe futsi ibe ingakadzakwa ngesikhatsi lesifanako. Awuzange sewuyibone inyonи lemhophe lemnyama. Ayikho intfo lenjalo. Futsi akukho lokulungile nalokungakalungi kuhlanganiswe ndzawonye. Kusemkhatsini wekutsi kungiko noma kuliphutsa.

⁴⁴ Futsi nguleyondlela lengimkholwa ngayo Nkulunkulu. Kube bengingakhola kutsi BekanguNkulunkulu lofanako lobekaphila etinsukwini taMosi, uma Bekangesuye Nkulunkulu lofanako kugewalisu sonkhe setsembiso Lasenta, khona-ke bengingeke ngibe nekukholwa kutsi ngiMemukele. Manje, kukhona kuphela... Nguloko lokunengcondvo kuphela nalokunemcondvo lobhadile, kucabanga loko...

⁴⁵ Bekutosisita ngani kusihlwa...? Awukho lapha nje kutsi ubonwe. Beningeke niphume kulemvula futsi nibutsane endzaweni lencane lenjengale, kutsi nje nibonwe. Ulapha ngenhoso yinye, loko kutfola intfo letsite lekahle. Futsi ngikhulekela kutsi Nkulunkulu utonipha ngamunye wenu intfo lekahle impela longayuze uyikhohlwe. Futsi ngamunye wenu maKhristu, kwangatsi Angavusa injabulo yenu kuYe, kukubangela kutsi uMkhonte kancono kunaloko lowake waMkhonta kona yonkhe imphilo yakho.

⁴⁶ Manje, bekuyosita ngani kukhonta Nkulunkulu lobekakhonta Mosi...loNkulunkulu Mosi lamkhonta, futsi kube Bekangesuye Nkulunkulu lofanako namuhla? Bekungasita ngani kukhonta Nkulunkulu wemlandvo, uma Ange...uma Angenamandla, futsi angasekho, futsi afile namuhla na? Ngifuna kunibuta lowombuto. Beningeke nifune kukwenta, kanjalo nami bengingeke. Uma ngingeke ngakhonta Nkulunkulu lophilako nalokhona lapha, kungisita uma nginesidzingo, khona-ke kusitani kukhonta Nkulunkulu na?

⁴⁷ Uma BekanguNkulunkulu, kodvwa Angesuye Nkulunkulu manje; noma uma BekanguNkulunkulu wemandla, Sewulahlekelwe ngemandla aKhe manje, kukhona intfo lecedzana emandla mayelana nalowoNkulunkulu. Loko akunjalo na? Manje sifuna kuzindla ndzawonye. Kukhona lokungalungi uma kungesiko. Uma Beganjalo, futsi Angekho manje, khona-ke kukhona lokungalungi kuNkulunkulu. Uma i...Uma Nkulunkulu bekangu—ngulomkhulu, lichawe lelinemandla emphini, futsi Bekangumphilisi lomkhulu wetifo, futsi Bekamkhulu kuto tonkhe tincenyе taKhe, etinsukwini

letendlula, futsi-ke Ulahlekelwe ngiwo onkhe emandla aKhe, futsi Angafani namuhla ke?

⁴⁸ Noko, Livi laKhe litsi Uyafana namuhla, wetsembisa kutsi Uyokwenta tona kanye letintfo letifanako kuyo yonkhe iminyaka, Aze abuye futsi. Akuphikiseki, eBhayibhelini. EmaHebheru, thirt-...8:13, noma 13:8, njalo, ayasho kutsi, “Jesu Khristu unguye itolo, namuhla naphakadze.” Loko kutsi, uyafana ngemgommo, lofanako ngemandla, lofanako ekuvukeni kulabofile, lofanako ngemandla, lofanako ngekubakhona etindzaweni tonkhe, lofanako ku-ku-kuko konkhe. Uya—Uyafana nje njengoba Bekanjalo. Futsi yonkhe intfo Lake aba ngyio, Ungiyo namuhla. UmBhalo utsi loko kuliciniso. Tonkhe tintfo taKhe tiyafana. Manje, ngako uma si... .

⁴⁹ Ngamunye ufunu kukukholwa loko, kodvwa batsi Ukhona kwenta kuphela lokukusivumokholo. Yebo-ke, batsi, “Ngiwelibandla leBaptisti.” Ngitsi iBaptisti, ngoba lelo libandla lengagcotjwa kulo. Utsi, “Ngi...” Yebo-ke, emaBaptisti atsi, “Yebo-ke, sivumokholo setfu sikahle.” EmaMethodisti afuna sivumokholo sawo sibekahle. Kodvwa uma sikalela Nkulunkulu...Lesosivumokholo, angikamelani ngalutfo naso. Loko kulungile. Kodvwa uma sikalela Nkulunkulu kutsi ugcina kulesosivumokholo, khona-ke siyamkalela Nkulunkulu langakwenta, futsi sitama kusho kutsi ungahamba ugcine *lapha*.

⁵⁰ Mhlawumbe site kukholwa kuhamba lapho Enoki ahamba khona, ngesikhatsi atsatsa kuhamba lokuncane naNkulunkulu, ngalenye intsambama, wase uya eKhaya naYe, ngaphandle kwekufa. Na—nakuJoshua futsi, lowamasha watungeleta tindvonga taseJerikho, tikhatsi letilishumi nakutsatfu, futsi—futsi wamemeta kakhulu impela nemabondza awa phansi. Singahle singabi nekukholwa kwekumemeta kuwe emabondza, singahle singabi nekukholwa kwekuhamba siye eKhaya naNkulunkulu, kodvwa asingemi endleleni yalomuny’umuntfu lonaloko kukholwa. Uma—uma kungavumelani nesivumokholo setfu, futsi banekukholwa, asichubekele embili ngco futsi sikholwe, sitsi, “INkhosi ikubusise, mnakettfu.” Futsi achubeke ngco, kungakhatsaleki kutsi usontsa kuliphi libandla. Loko akwenti mehluko, kuphela nje uma angumKhristu nelikholwa. Futsi, uyat yini, mngani longumKhristu, nguloko live lelifuna kukubona, namuhla!

⁵¹ Ngehlela eBombay, eNdiya, lapho benginesicuku lesikhulu kunato tonkhe, sebantfu labatinkhulungwane lettingemakhulu lasihlanu. Sicuku lesikhulu kunato tonkhe lengake ngashumayela kuso, ngalesinye sikhatsi, emphilwени yami, sasisBombay. Uma ngenyukela lapho, naku kufika umbhishobhi welibandla leMethodisti, nalamanengi emabandla lamakhulu. Nako kufika umbhishobhi lomkhulu, umHindu, libandla lemaHindu lapho, nalamanengi lamanye emabandla lamakhulu lagcamile. Bahlangana nami ngephandle lapho la

tinkhulungwane tebantfu tita khona esikhumulweni setindiza. Futsi ngesikhatsi beta, futsi bangifaka eHhotela iTaj Mahal, futsi bahlangana ekamelweni lelifanako naleli, nawo wonkhe umuntfu lodvumile welidolobha, nabo-raja nayo yonkhe intfo.

⁵² Nembhishobhi welibandla leMethodisti, watsi, “Mnaketfu Branham, asikwemukeli njengesitfunywa senkholo,” watsi, “ngoba asifuni kuva ngaleligama lelitsi ‘sifunywa senkholo.’” Watsi, “Ngoba, nine bantfu eNshonalanga, nemfundvo yenu yaseNshonalanga, aniwucondzi umBhalo ngekukhanya kwencwadzi yasemphumalanga.” Futsi loko kuliciniso.

⁵³ Nayo yonkhe lesayensi yetfu yetenkholo, uma ungake uye eJerusalem, noma eveni laseMphumalanga, lapho leliBhayibheli labhalwa khona, LiyiNcwadzi lensha sha kini. Imibono yetfu yaseNshonalanga ihashane le netindlela taseMphumalanga. Ungeke, ungeke uyicondze lemifanekiso, nalokunye nalokunye, kufundzisa, ute uye lapho futsi ubone lawomasiko lafanako aphilwa abonakala namuhla.

⁵⁴ Futsi bantu labanengi batfumele... Angikamelani nemasemina, nebafundzi, nendzawo yema monki, nakanjalonjalo. Kodvwa, konkhe kwaloko, abayuze bamati Nkulunkulu. Kwati ikhathekizimu kuhela nje, nakanjalonjalo, kanjalo.

⁵⁵ Kwati Nkulunkulu, kwati uMuntfu, Khristu, cobolwaKhe. “Nekwati Yena kukuPhila.” Hhaji kwati incwadzi yakho lefundvwako, noma kwati sivumokholo sakho, noma kwati ikhathekizimu yakho; akusiko kuPhila. Kwati Khristu, loMuntfu, kukuPhila lokuPhakadze. Futsi nguloko lesifisa kukwati.

⁵⁶ Manje, lombhishobhi watsi kimi, watsi, “Mfund. Branham, wesayensi yetenkholo,” watsi, “sasineliBhayibheli, iminyaka leyinkhulungwane nemakhulu lasikhombisa ngaphambi kwekutsi nibe sive.” Kunjalo.

⁵⁷ Thomase loNgcwele waya entasi. Futsi ngema ebandleni futsi ngashumayela lapho Thomas loNgcwele, libandla lasekucaleni, kutsi wasungula eNdiya, ngesikhatsi ehla avela eJerusalem, aya eNdiya, futsi wasungula libandla.

⁵⁸ Futsi watsi, “Sibenalo liBhayibheli kusukela lapho, futsi sesibe nebuKhristu kusukela lapho, kodvwa,” watsi, “kusezingeni leliphansi eNdiya.” Futsi watsi, “Sivile ngaDkt. Reidhead, indvodza leyeta kuwe.”

⁵⁹ Lobekango—ngumengameli weTimishini letinkhulu taseSudani, lomkhulu kunabo bonkhe emhlabeni, loweta kimi. Futsi watsi, “Mnaketfu Branham,” watsi, “Ngineticu letenele kutsi ngingaze ngiplastele lubondza ngato; Dokotela weSayensi yetenkholo, Doc... si—sicu saBuciko, nato tonkhe tinhlobo teticu.” Watsi, “Ngidadishe kusukela ngaba neminyaka lesiphohlongo budzala. Kodvwa,” watsi, “Mnaketfu Branham,

uphi Khristu kuko konkhe?” Watsi, “Ngabe labothishela bebasephutseni na?”

⁶⁰ Ngatsi, “Bothishela abakaze babe neliphutsa, mnumzane. Kodvwa, lokungiko, kutsi awuyuze wati Khristu ngesayensi yetenkholo. Ungeke uze wati Khristu ngemfundvo. Ufanele wati Khristu ngelwati lolucondzene nawe, kutsi utelwe kabusha ngaMoya waKhe, lowehlako futsi ugucule imphilo yakho futsi akwente sidalwa lesisha kuKhristu Jesu. Nguloko lokwenta umehluko.” Nguloko lokwenta umehluko wakho.

⁶¹ Manje, kungalesosizatfu sinemahlelo lamanengi kakhulu lehlukene nemicabango lengenabufakazi. Ilungile yonkhe.

⁶² Kodvwa, intfo sibili, Jesu Khristu, iNdvodzana yaNkulunkulu, watsi (kuJohane loNgcwele, liVangeli laJohane loNgcwele, sahluko 4; noma sahluko 3, ngiyacolisa), kuNikhodemu, “Uma umuntfu angakatalwa kabusha, ngemanti neMoya, angeke nhlobo aze angene eMbusweni,” akunandzaba kutsi nguliphi libandla loya kulo. Lawo ngemaVi aJesu Khristu luCobo.

⁶³ Manje, *katalwa*, kuchaza ku “khululwa kulokutsite.” Manje, ngaphandle ukhululwe nguMoya loyiNgcwele, emphilweni yakho, ekuPhileni lokusha kuKhristu, khona-ke tivumokholo tetfu netintfo atisikahle. Kodvwa tikahle, tilungile, titimfundziso nje tekutiphatsa, futsi nakanjalo, letisisitako. Kodvwa, wangempela, Jesu Khristu wemuntfu ngamunye!

⁶⁴ Futsi nguloko lokwenta imihlangano loko lobekungiko namuhla, futsi kwatsanyela umhlabu wonkhe jikelele, kungoba, ngemusa waNkulunkulu, kwetfula, esicukwini lesikhulu noma lesincane, iNkhosi Jesu levukile njengamanje, sikhatsi samanje, emandleni aKhe lafanako Leyake yaba kuwo. Asidzingi kutsi sicagele.

⁶⁵ Watsi, “Mnaketfu Branham, sineLivi. SineliBhayibheli,” umbhishobhi washo, eNdiya. “Kodvwa,” watsi, “lesikukhatsalele, akusyo isayensi yakho yetenkholo.” Watsi, “Lesikukhatsalele: ngabe Nkulunkulu univakashelle yini nine maYanki ngaMoya noma siphiko lesingenta leliBhayibheli liphile futsi na?” Watsi, “Siyalati liBhayibheli.” Futsi watsi . . .

⁶⁶ Ngatsi, “Yebo-ke, usandza kuvuma nje kutsi besingaKwati. Kodvwa, angikwati kahle kakhulu, kodvwa ngiyamati kahle kakhulu uMcalsi.” Ngasengitsi, “Nguleyo intfo lemcosa.”

⁶⁷ Watsi, “Nguloko lesifuna kukwati. Banini nekukholwa lokwenele, kuNkulunkulu, kwenta letetsembiso leti tebuNkulunkulu Latentile,” watsi, “unako kukholwa lokwenele kutenta tibe nguletiphatsekako na?”

Ngatsi, “Ngemusa waNkulunkulu, Nkulunkulu utokwenta.”

⁶⁸ Futsi ngaleyontsambama, ngajatjuliswa ngetinkholo letilishumi nesikhombisa letehlukene letaphika buKhristu.

Labanye babo bakhonta imiyane, nalamanye alawomahhashi, netinkhomo letitsite, naBhuda lotsite, nebakaMohamedi, nakanjalonjalo. Futsi bonkhe bebanemasayensi abo etenkholo. Kuhle kakhulu, yonkhe intfo kwakuyimisebenti, intfo lofanele uyente. “Yenta *luku*. Yenta *loko*.” Konkhe emisebentini; kute umusa kuko, nhlobo.

⁶⁹ Ngabe nginimemetela kakhulu? Kunekuwawata lokutsite nje. Ngi—ngiyetsema anginimemeteli.

⁷⁰ Kodvwa, caphelani, ngalobo busuku elayinini lalabakhulekelwako, ngesikhatsi iNkhosi Jesu ifika enkhundleni: Nako kuhleti boraja emicamelweni yabo, nakanjalonjalo. Futsi kwakungetulu kwema-awa lamabili, kumisa kahle lilayini, kute kube ngulapho lasingafika khona etitendini tesikhulumi. Futsi ngesikhatsi iNkhosi Jesu ikhuphuka futsi yatjela indvodza, leyayiyimphumphutse mbamba iminyaka lengemashumi lamabili; ngibona umbono etikwakhe, futsi wati kutsi bekatophiliswa, ngaphonsela insayeya wonkhe wabo, kutsi bete batophilisa lendvodza. Kusobala, bahlala bathula dvu. Kodvwa iNkhosi yetfu Jesu yaniketa lendvodza kubona kwayo. Tinkhulungwane letiphindvwe katinkhulungwane netinkhulungwane tefika kuKhristu ngesikhatsi sinye. Nako ke.

⁷¹ Akusiko kutsi ngabe tivumokholo tetfu tiyasebenta. Titosebenta kahle emphilweni yekutiphatsa kahle. Kodvwa kukhicita iNkhosi Jesu nesetsembiso saYo, kukwati Yona, hhayi sivumokholo sakho.

⁷² Manje, ngekushesha esihlokweni setfu, futsi ngitotama ngekusheshisa nje ngangoba ngingakhona; utsi sikhone kucalisa lilayini, ngoba kusemkhatsini weliviki, utsi nine bantfu niyasebenta. Manje, futsi lalelisisan. Sihloko sitsi, kusihlwa:

*Batsandzekako, . . . Ngenta konkhe kucaphelisia
kutsi nginibhalele ngensindziso lejwayelekil, . . .*

⁷³ Lona nguJuda loNgewe, manje, abhalela liBandla, iminyaka lengemashumi lamatsatfu nakutsatfu emvakwePhentekhosti.

*. . . futsi ngekunikukhutsata kutsi nifanele ngesizotsa
nilwele kukholwa (hhayi kukholwa; kuKhola)
lokwake kwetfulelwa labangcwele.*

⁷⁴ Manje, ngamunye wetfu, emabandleni etfu, alungile. Futsi—futsi ngifuna nibe kanye nelibandla lakho futsi nisekele libandla lakho, futsi nilisite nentele inkhatimulo yaNkulunkulu.

⁷⁵ Kodvwa manje asibuyelevemuva futsi sitfole. Manje, kufanele kubekhona lokutsite, uma si . . . Watsi, “Ngekucinisa walwela kuKhola lokwake kwetfulelwa kulongcwele,” khona-ke impela kukhona indlela letsite yekwati kutsi “kuKhola” kwakuyini. Manje asibuyelevemuva eBhayibhelini. Ngicabanga

kutsi loko kutoba ngumcondvo lokahle, futsi kutofakazela ngalokwanele kitsi sonkhe, uma sibuyela emuva futsi sibone kutsi labangcwele...kutsi hlobo luni—luni lwekuKholwa lebebanalo. Futsi kube besinjalo “sibabatjatwe ngebacutfo kulwela loKukholwa,” siyatfola kutsi hlobo luni lwekuKholwa lebebanalo, khona-ke sifanele silwele loko Kukholwa. Ngalamanye emagama, utsi, “*Loku kungiko.*” Manje sitotfola kutsi kwakuyini.

⁷⁶ Ngaphambi kwekutsi bate babitwe ngalabangcwele, eBhayibhelini, beba...EThestamentini leLisha, Johane umBhabhatisi ufika emkhatsini wemtsetfo naKhristu, lokwakusikhala, noma litje lesikhiya lelakhiya letimiselo tetikhatsi letimbili ndzawonye.

⁷⁷ Manje, besingadzingeka sicale ngaKhristu, uma sitokhuluma ngeKukholwa kwemKhristu, ngoba Ungu—wekucala kweluKholo lwebuKhristu.

⁷⁸ Johane wefika, Johane umBhabhatisi, washumayela ehlane laseJudiya, futsi akazange ente ngisho namunye ummangaliso, akazange ente nomangusiphi sibonakaliso. Kodvwa wavele walahlal emabandla, futsi walahlal baphristi naborabi, nakanjalonjalo. Futsi wabatjela kutsi kwakunaMunye lotako.

⁷⁹ Futsi enkonzweni yembhabhatiso, ngesikhatsi abhabhatisa, wabona Jesu eta nekuKhanya kuMlandzela. Wase utsi, “Bukani liWundlu laNkulunkulu, lelisusa sono semhlaba.”

⁸⁰ NaJesu wabhabhatisa. Moya loyiNgewe waphuma eZulwini. NeliPhimbo lelivela kuLo, litsi, “Lena yiNdvodzana yaMi letsandzekako, leNgitfokotile kuhlala kuYo.” Lihumusho lasekucaleni litsi, “LeNgitfokotile kuhlala kuYo.”

⁸¹ Lokukutsi, “Nkulunkulu bekakuKhristu, enta kutsi live libuyisane naYe.” BekanguNkulunkulu enyameni.

⁸² Manje, manje ake sicaphele kutsi hlobo luni lwemphilo Layenta. Futsi ngifuna kunibuta lokutsite, nine bantfu, njengoba sikhuluma. Loko Lebekangiko ngalesosikhatsi, Ufanele abe ngiko. Uma loko kuKukholwa Lakwetfula eveni, loko bekuFanele kube kuKholwa lesifanele sikulwele kusihlwa. Ngabe kunjalo na? Kunjalo. Kufanele kubenjalo. Kulungile.

⁸³ Manje, siyacaphela, kwatsi nje Angacala enkonzweni yaKhe. Sitobukisia kutsi hlobo luni lwenkonzo Lebekanayo. Sitocala esahlukweni se 1 saLukha loNgewe, sikucaphuna ngenkhumbulo. Ningakufundza uma nifisa. Lukha loNgewe, sahluko 1, sifundzisa kutsi Jesu ucalal kuhambahamba, enta lokuhle kubantfu. Bekatokhulekela labagulako, futsi batophiliswa. Manje, leyo ngulenye yetintfo Latenta, kukhulekela labagulako. Futsi ngalelinye lilanga...

⁸⁴ Manje, lalelisansi manje, ngoba kuto... Uma ningalaleli, kubamba lonkhe livi, kutoba sikhubeKiso kuwe, emizuzwini lengemashumi lamabili noma lengemashumi lamatsatfu lelandzelako, uma lilayini lalabakhulekelwako licala. Niyabona na? Manje lalelisansi.

⁸⁵ Intfo yekucala sitfola Jesu enta, emvakwekuba Sekakhetselababili noma labatsatfu bebaphostoli baKhe...

⁸⁶ Futsi lelinye lawo ligama lalabo kwakungukwakunguFiliphu. NaFiliphu bekayindvodza lelungile, Filiphu loNgewe. Futsi ngesikhatsi sekabonile futsi wati kutsi loyo kwakunguMesiya, ngoba waMbona akhulekela bantfunabobasindza, wawelela ngesheya, cishe emakhilomitha langemashumi lamatsatfu, kujikeleta ngemuva kwetintsabala pho taseJudiya, futsi watfola umngani wakhe ligamalakhe kwakunguNathanayeli. NaNathanayeli bekangaphansi kwesihlahla, akhuleka. Wase utsi, "Wota, ubone kutsi ngubani lengimtfolile: Jesu waseNazaretha, indvodzana yaJosefa."

⁸⁷ Wase utsi, "Ngabe ikhona intfo lenhle lengavela eNazaretha na?" Nathanayeli washo.

Watsi, "Wota, ubone."

⁸⁸ Manje, ngicabanga kutsi leyo yimphendvulo lenhle kunato tonkhenomangumuphi umuntfu lebekangayiniketa noma nini; kutsi, ngaphambi kwekugecka noma yini, wota ukubone, kucala. Yibuke, wena lucobo. Phila ekukhanyeni kweliBhayibheli, futsi ubone kutsi icinisile yini.

⁸⁹ Akunandzaba kutsi kubonakala kunjani, noma labanye batsini, inkholo yaJesu Khristu ayikaze idvume. Futsi Aliyuze lidvume, ngoba live liyabati balo. Niyabona na? Futsi awusuye welive, uma uba ngumKhristu. Ungumuntfu lowehlukile, eveni. Siyakwati loko. Jesu watsi, "Ngiyakhuleka, Babe, kutsi abasibo belive." Ngako, awusuye welive. Live...

⁹⁰ LiBhayibheli latsi, "Uma nitsandza live, noma tintfo telive, lutsandvo lwaNkulunkulu alukho ngisho nakini." Loko ngiko, umBhalo uyakusho loko.

⁹¹ Ngako, "Ungeke watsandza emakhosi lamabili," kwasho Jesu. "Ungeke wamsandza Nkulunkulu namamoni." Leligama mamoni, nalihiunyushiwe, lichaza "live." Futsi Watsi, "Kusekhatsi kwekutsi ukhonta munye, futsi utondze lomunye," noma ngalokuphambene. Jesu wakusho loko kuMatewu loNgewe, sahluko se 5. Ungeke wakhonta Nkulunkulu nelive, ngesikhatsi lesifanako. Ufanele ube munye noma lolomunye.

⁹² Futsi Nkulunkulu bani nesihawu! Nguleyo indzaba ngebantfu bakitsi namuhla, lababitwa ngemKhristu kulelesive lesi. Batama kuphila njengelive, futsi batisho kutsi bangemaKhristu. Futsi kungalesosizatfu longakholwa, ngephandle, anesikhatsi lesimatima kabi kucabangisia

engcondvweni yakhe, kungoba ubona bantfu labatibita ngemaKhristu, bangaphili ngalokwehlukile kunalo lonkhe live. Loko kubekwe kwabasebaleni nje, kodvwa lelo liciniso. Sifanele sibhekane neliciniso.

⁹³ Kukhona mhlawumbe besilisa nebesifazane labahleti lapha, Angeke ngisaphindze nginibone futsi ngize nginibone ekwaHlulelweni. Futsi ngi—ngifanele ngibe neliciniso futsi ngetsembeke, ngoba ngifanele ngibhekane nekwaHlulelwa futsi ngibonane nemavi ami futsi ekwaHlulelweni, ngako ngifanele ngibe neliciniso ngako.

⁹⁴ Manje, siyacaphela kutsi—kutsi Filiphu, watsi nje angatfola Nathanayeli, watsi, “Wota, ubone kutsi Ngubani lengimtfolile.”

⁹⁵ NaNathanayeli, ayindvodza lecotfo, indvodza lelungile, Watsi, “Ingaba khona yini intfo lenhle levela eNazaretha?” INazaretha ayikalungi, lidolobha lelikohhlakele, libi kakhulu; linemahlongandlebe, linetigebengu, kanye nalokunjalo, lokukhulisiwe. Futsi—futsi belinemacembu emahlongandlebe, ngaletotinsuku, laphuma eNazaretha, lidolobha lelibi impela. Watsi, “Ngabe kukhona yini lokuhle lokungavela eNazaretha na?”

Watsi, “Wotani nibone.”

⁹⁶ Manje singahle sicele namuyla, “Ngabe kukhona yini lokuhle lokungavela ebandleni leMethodisti na? Ngabe ikhona intfo lenhle lengavela ebandleni leBaptisti, iPresbyterian, noma kungaba nguliphi libandla na?” Intfo yekucala lofanele uyente kuta futsi ubone. Tfola.

⁹⁷ Manje kuhbole, hhayi ngemsimeto wakho, hhayi ngekhathekizimu, hhayi ngakunye...Kuhbole ngeLivi laNkulunkulu.

⁹⁸ Ngoba, liBhayibheli lasho, kutsi, “Loyo loyo loyosusa, noma engete kuyo, noma yini lekuleNcwadzi, Nkulunkulu uyolikhipha ligama lakhe eNcwadzini yekuPhila.” Sambulo, sahluko sema 21, sitsi Utokwenta loko; noma, sahluko sema 22, njalo, sencwadzi yekugcina yeliBhayibheli. Watsi, “Uma noma ngubani...” Nkulunkulu cobo lwaKhe, akhuluma nalombhali, watsi, “Uma noma ngubani ayoneta livi linye kuleNcwadzi, noma asuse livi linye kuYo, Nkulunkulu uyotsatsa ligama lakhe eNcwadzini yekuPhila. Futsi uyobhujiswa.” Ngako sifanele sihlale ngco naloko imiBhalo letokusho.

⁹⁹ Manje, ngesikhatsi atfola Nathanayeli, futsi wa—watsi, “Wota, ubone,” ngako wamlandzela.

¹⁰⁰ Manje ake sibuke kutsi hlobo luni lwemuntfu Jesu lebekangilo. Manje, kube besifuna kutfola Jesu kusihlwa, kube besihambile...Uma lomunye asitjele kutsi Jesu Khristu bekaseGeorgetown, e-Indiana, ini...futsi Bekasenyameni

yemunfu njengoba sinjalo, kusihlwa, hlobo luni lwemunfu lebesingafuna kulutfolna na? Manje, loku kungahle kwetfuse.

¹⁰¹ Kodvwa, sitfola umunfu lobekatobe agcoke lokwehlukile kancane kunoma ngumuphi lomunye umunfu na? Besingeke sifune Jesu, noma nakungenjalo besingeke siMtfole, ngoba Bekagcoka njengalamanye emadvodza nje. Kwakungekho mehluko engubeni yaKhe.

¹⁰² Singeta kutofuna emadvodza lebe—lebekatikhulumi letinemfutfo na? Tikhulumi letinkhulu letinemfutfo na? Cha. LiBhayibheli latsi, “LiPhimbo laKhe lingke ngisho livakale esitaladini.”

¹⁰³ Singeta kutofuna indvodza lebe—lebeyibhosita kakhulu ngelibandla lalo lelikhulu nakanjalo na? Cha, mnumzane. LiBhayibheli lakhulumma lokwehlukile impela ngaYe. Latsi, “BekanguMuntfu welusizi, futsi—futsi lojwayele buhlungu.” Bekangesiko kuchubeka lokukhulu, noma kuchubeka. BekanguMuntfu lotfobekile. Futsi Bekanguye. Futsi Washiya . . .

¹⁰⁴ BesiNgamtfola yini emkhatsini webantfu labanjingile na? Akazange ahiale nebantfu labanjingile. BaMtfolaphi na? BenitoMtfolia emkhatsini walabaphuyile. Wehla ngasemfuleni futsi watfola badwebi.

¹⁰⁵ Cabangani ngelibandla lelikhulu leMtsetfo, nabo bonkhe baphristi babo labakhulu nebaphristi labakhulu, nebukhatikhati babo lobukhulu nenkhatimulo, ngalolosuku. Futsi akukaze nakanye kutsi noma ngumuphi umphostoli noma ngumuphi umunfu waNkulunkulu ake akuvakashele, noma akwemukele. Ngesikhatsi Nkulunkulu atfumela iNdvodzana yaKhe, WaYitfuma wayisusa kuko. Futsi Wabatjela ngekutimisela kutsi bebasekutentiseni, futsi wabatjela kutsi bebababi kanjani, nayoyonkhe intfo. Futsi basho, kutsi, “Unadeveli, ngoba Akakholelwaa ngisho nasebandleni letfu.” Niyabona na? Futsi bebalibandla lelusuku. Ngako, niyabona, ungeke wendlula esontfweni. Ufanele uhambe ngaNkulunkulu. Ngulapho la une . . . nangaKhristu.

¹⁰⁶ Manje, ngesikhatsi Nathanayeli enyukela emgwacweni, manje sitobona kutsi watfolani. Watfola iNdvodza ime lapho, yenta intfo lephambene naloko libandla lelalikufundzisa. Libandla lafundzisa kutsi tinsuku temimangaliso lwase lwendlulile. Kodvwa nangu Jesu eme lapho, enta . . . [Akucoshwanga etheyiphini—Umhl.]

¹⁰⁷ Phakamisa sandla sakho, noma ngukuphi kulesakhiwo. Anginandzaba kutsi ukuphi. Phakamisa sandla sakho nje, utsi, “Nkulunkulu, ngaloku, ngifuna Wena ungiphilise, Nkulunkulu.” Kunjalo. Kucishe kube ngulokujwayelekile, ndzawo tonkhe. Ngitonitjela kutsi nentani.

¹⁰⁸ Nginitjelile kutsi Jesu Khristu, iNdvodzana yaNkulunkulu, ulapha esimeni saMoya waNkulunkulu. Ngabe kunjalo? Mangakhi emaKhristu lakukholwako loko? Asibone sandla sakho. Loko kuhle. Khona-ke, uma Alapha, futsi UyiNkhosi Jesu lefanako, khona-ke Une... Ubophelelekile kutsi ente intfo lefanako. Ngabe kunjalo na?

¹⁰⁹ Manje, Watsi Bekangeke aphilise. Babe waMkhombisa, futsi Wenta loko Babe lakushito. Ngabe kunjalo na?

¹¹⁰ Manje, ngime elayinini, ngiyamati lodzadze wekucala lome lapha. Futsi angati manje noma ngati noma ngubani lomunye noma cha. Ngimbonile loyodzadze, cishe wesibili noma wesitsatfu kusuka emuva lapho. Ngimbonile. Angati kutsi ungubani ligama lakhe, kodvwa ngimbonile. Ngiyacabanga loko kutsi akube ngibo kuphela le—le—lengati ngabo. Futsi, loko kutsi akube ngibo kuphela le—lengibatiko. Kulungile.

Manje asikhotsamise tinhloko tetfu umzuzwana sentele umkhuleko.

¹¹¹ Manje, Babe loseZulwini, lona ngumzuzu. Ngikhulume, ngekwati kwami konkhe, ngaWe. Manje, Nkhosi Jesu lotsandzekako, ngikhulekela kutsi Utongisita, Wena uyati kutsi angati lutfo ngalabantfu laba. Ngaletinye tikhatsi ngiyayati yabo... kutsi babobani. Angitati tinkhatsato tabo. Wena uyati. Ungasho noma yini loyifisako, futsi ngititfobe mine lucobo futsi ngitinikele kuWe, kutsi Moya loyiNgcwele lomkhulu utokuta kusihlwa futsi atsatse lendvodza tatane, lengakafaneleki, kwentela inkhatimulo yaNkulunkulu, futsi agcobe. Futsi ungangivumeli ngikhulume, tindzebe tami lucobo, kodvwa vumela Moya loyiNgcwele akhulume futsi ente imisebenti Jesu Khristu iNdvodzana yaNkulunkulu leyatsi Uyoyenta ngebantfu baKhe, ngayo yonkhe iminyaka. Ngiyakhuleka lesibusiso lesi eGameni laJesu Khristu. Amen.

¹¹² Manje, ngitonibuta intfo yinye. Uma nitokuma ngenhloniphof, futsi nititfobe, futsi ningangabati, futsi nikholwe ngayo yonkhe inhlitiyo yenu, khona-ke iNkhosi Nkulunkulu waseZulwini akungabateki kutsi iphilisa umtimba wakho futsi ikusindzise.

Manje, kukholwa kwakho. Akusiko... Niyabona na? Manje ngiko loku.

¹¹³ Manje naku kume dzadze, ngi—ngikhulwa kutsi ngiyamati kutsi lowesifazane ungubani. Anginasiciniseko, kodvwa ngikhulwa kutsi ngiyamati kutsi ungubani. Futsi ngi—ngi—ngi...

¹¹⁴ Ngabe kunjalo, angikwati, dzadze na? Uh-huh. Kulungile, mnumzane. Ngikhulwa kutsi ngiyamati kutsi ungubani. Nguloko-ke. Kulungile. Manje, uma ungeta lapha umzuzu nje. Manje, njengekwati ligama lakho, ngingakwati wena... Ngabe ligama lakho unguSeduf, noma intfo lefana

naleyo na? [Lodzadze utsi, "Cha, ligama ladzadzewetu linjalo."—Umhl.] O, ya, lowo ngudzadzewenu. ["Beningati ngesikhatsi ngisewaka Wilson."] Bewu, ngi—ngiyakholwa, bengingakwati yini ngesikhatsi ngisavamise kusebentela iNkapane yeteMisebenti yeSive, noma lokutsite na? ["Yebo."] Kunjalo. Ngike ngabubona buso bakho ndzawanatsite. Be-bengibati. Bengicabanga kutsi ligama lakho bekunguSeduf, kodvwa, Seduf ngudzadzewenu. Ngabe kunjalo? ["Yebo."] Neligama lakho bekunguWilson.

¹¹⁵ Yebo-ke, ngiyajabula kukubona futsi, dzadze. Manje iNkhosi ikubusise.

¹¹⁶ Manje, mine, njengemnakenu kuKhristu, uyati kutsi angati kutsi ute ngani lapha, ngiyati yini? [Lodzadze utsi, "Cha."—Umhl.] A—a—angati. Cha, memu. Yi—yimfihlakalo kimi, lengingayati. Manje, uma iNkhosi Jesu ingangenta ngati kutsi uteleni lapha, naloko lenikufunako ngaYe, uma Atotenta Yena lucobo aciniseke kakhulu kutsi—kutsi Utomemetela lenikufunako, khona-ke utokwemukela yini njengekuvela kuYe na? ["Yebo."] Utokwemukela. Kulungile.

¹¹⁷ Manje tetsameli tibamba liphimbo lakhe, futsi niyababona labarekhodako bahamba. Nguleyondlela. Manje bukisisani. Manje, uma Akhuluma noma yini kutsi atjele lona wesifazane, loko lakutele lapha, bekungeke yini kube nguMoya lofanako lowakhuluma nalowesifazane emtfonjeni, lobekati kutsi inkhatsato yakhe yayikuphi na? Loko bekungalunga yini? Niyabona na? Manje, loko, ke, kukholwa kwakhe kuloko lokwentiwako, kuyoncuma kophiliswa kwakhe.

¹¹⁸ Manje kini nine lenisetetsamelini, lote emakhadi ekukhulekelwa, ukholwe ngayo yonkhe inhlitiyo yakho kutsi Jesu Khristu ulapha kutokuphilisa, uma utokholwa ngenhlitiyo yakho yonkhe, awunawudzingeka kutsi ube kulelilayini lalabakhulekelwako. Impela ungeke. Intfo kuphela lotodzingeka uyente kutsi ube nekukholwa kuNkulunkulu.

¹¹⁹ Manje ngitonibuta, ngekutsi kuhkona sifo sekunklinkita... Futsi noma ngubani lobekasemihlanganweni, uyati kutsi sifo sekunklinkita sentani. Kuletinye tikhatsi siyachubeka. Ngako, manje, hloniphani ngekutifoba nje, hhalani nithule nje. Akunandzaba kutsi kwentekani, hhalani nithule. Niyabona na? Futsi nje kholwani eNkhosini Jesu futsi nikhuleke. Celani Babe loseZulwini kutsi abe nemusa. Kodvwa, manje, uma ungulongakholwa, ngingeke nighlale, niyabona. Ngako, manje, loku akusiko kndlala libandla. Loku ngemaciniso. Sibhekene netintfo. Kube benginemizuzwana lembalwa nje kuphela, noma lobunye busuku, lebenginganichazela kutsi letintfo leti tiyini, kutsi beningabona kutsi impela tiyini ngemagama emBhalo, (tiniketwe emagama etemitsi), kodvwa lokungiko impela emehlwani eliBhayibheli.

¹²⁰ Manje, lodzadze lapha ume embikwami. Manje, akusiko kufundza ingcondvo. Cha, mnumzane. Ngiyakuva, ngiyakuva. Wena, manje, be—bewungeke uyifihle imphilo yakho manje kube bewufanele. Niyabona, uMoya waKhe ulapha manje.

¹²¹ Bangakhi labake babona sitfombe saYo, lapho baYitsatsa khona na? Futsi KuseWashington, DC, siDalwa lesingetulu kwemvelo kuphela lesake satfwetjulwa, singafakazelwa, emhlaben. Banetindzaba letitinganekwane tebantfu ehlatsini, nako konkhe kanjalo, kodvwa kuhlala njalo kufakazelwa kutsi kuliphutsa. Niyabona na? Kodvwa batsatsa Loku, nalabanengi benu lapha lobekakhona ngesikhatsi Kutsatfwa.

¹²² Emavikini lambalwa lendlulile, ikhamera yaseJalimane yaLitsatsa, eJalimane, tikhatsi letintsatfu letehlukene. Futsi kunguloko lenikubona esitfombeni, kukhona lapha manje ngembili. Kunjalo impela.

¹²³ Manje hloniphani ngekutitfoba. Ningayaluki. Gcinani bantfwana benu edvute nani. Futsi banini semkhulekweni, futsi nibone kutsi Moya loyiNgeweleteosentelani, kusihlwa. Futsi uma...

¹²⁴ Futsi ngikhulekela kutsi Nkulunkulu utonibusisa; futsi ngalesinye sikhatsi, emhlaben, sitohlangana futsi. Ngikhulekele, njengoba singena emasimini emvakwalenkonzo, emasimini ngephandle ngaleya, emihlanganweni lemikhulu, kukhulekela labagulako.

¹²⁵ Futsi hloniphani ngekutitfoba, wonkhe umuntfu, ngiyacela, ngoba siseBukhoneni baNkulunkulu somandla, uMoya loyiNgeweleteosentelani manje.

¹²⁶ Nkkt., bekungubani ligama lakho manje, Wilson na? [Lodzadze utsi, “Cobb, manje.”—Umhl.] Nkkt. Cobb. Nkkt. Cobb, uma—uma Moya loyiNgeweleteosentelani akhona manje, Utongatisa lokutsite kwemphilo yakho, loko kungahle kukunike sibindzi kukukhuphulela endzaweni kutsi ukuvumele ukholwe eNkhosini Jesu ngekuphiliswa kwakho. Noma, angati kutsi ute ngani lapha. Kungahle kube tinkhatsato tetimali. Kungahle kube tasekhaya. Angati. Kodvwa, Uyati, Akamati na? [“Yebo, Uyati.”]

¹²⁷ Ngibona intfo yinie loyitele lapha, kungoba uphetfwe simo sekwefuka. Uneluvalo kakhulu, ucansukile. Lenye intfo, une—nesigadla sesifuba semoya lesikuhluphako. Akunjalo na? [Lodzadze utsi, “Yebo.”—Umhl.] Kunjalo. Kulungile.

¹²⁸ Manje, uyakholwa kutsi yonkhe intfo ikahle ngawe manje na? Sewuphilisiwe manje. Ungaya ekhaya. Jesu Khristu, kukholwa kwakho, kukusindzisile. Hamba futsi ube semkhulekweni.

¹²⁹ Babe loseZulwini lonemusa, eGameni leNkhosi Jesu Khristu, sibusisa loku, dzadzewetfu lotsandzekako, futsi sicela kutsi Ube nemusa kuye, eGameni laJesu. Amen.

¹³⁰ Wota, mnumzane. Unjani, mnumzane? Uyakholelwaa eNkhosini Jesu Khristu ayiNdvodzana yaNkulunkulu lophilako na? [Lomnaketfu utsi, “Yebo, mnumzane, ngiyakhola.”]—Umhl.] Uyakholwa kutsi Ulapha kukwelulamisa na? [“Yebo, ngiyakhola.”] Uh-huh. Uyakholwa na? [“Ngiyakwati.”] Uyati kutsi Ulapha kukwelulamisa.

¹³¹ Ngabe loyo ngulodzadze losandza kukhulekelwa na? Bekunguwe lodzadze lapho na? Uh-huh.

¹³² Unenkhatsato eceleni kwakho, uhleti lapho ngakuye, awunayo, mnumzane na? Uyakholwa kutsi Nkulunkulu angakusindzisa futsi akuphilise na? Ngesikhatsi endlula ngakuwe nje ngalesosikhatsi, waba nekutivela lokungakejwayeleki, awuzange na? Lowo kwakunguMoya loyiNgewe. Bewunenkhatsato eluhlangotsini lwakho. Manje, sekuhambile kuwe manje, mnumzane. Kukholwa kwakho kukuphilisile. Ngabe kunjalo na? Phakamisa sandla sakho. Kunjalo. Kunjalo. Kulungile, mnumzane.

¹³³ Angiyati lendvodza. Angikaze ngiyibone emphilweni yami, kodvwa Jesu Khristu sewuyiphilisile. Ngalokufanako nje njengoba kukholwa kwakhe kwatsinta iNkhosi Jesu, etinsukwini letendlula, lowesifazane lonemopho, kanjalo nalokukholwa kwalendvodza kubatsintsile nje. Awudzingeki...

¹³⁴ Ucabangani, dzadze lomcane eme lapho elayinini lababakhulekelwako, nelibhantji etikweli hломbe lakho na? [Lodzadze utsi, “LiCiniso kuphela.”]—Umhl.] Uh-huh. Ya. [“Loko lokushito kuliCiniso. Ngilikholwa lonkhe livi laLo.”] Nkulunkulu akubusise.

¹³⁵ Loyodzadze emvakwakho lapho, nesandla sakhe siphakeme, kanjena. Uh-huh. Ungatsanza kuphuma ekuhlindweni, bewungeke na? Ucabanga kutsi lesosimila, Nkulunkulu angasisusa kuwe, ngaphandle kwekuhlindvwa na? Uyakholwa kutsi Nkulunkulu angakuphilisa na? Unesimila, awunaso na? Futsi, ya, loko kunjalo. Uyakholwa kutsi Nkulunkulu utokuphilisa ngaphandle kwekuhlindvwa na? Uyakholwa na? Utomemukela Jesu khona manje, njengemphilisi wakho na? Utomemukela na?

¹³⁶ Babe loseZulwini lonemusa, kukholwa kwalowesifazane kushaye etulu lapha, futsi ngimbonile umbono embikwakhe, nalodokotela agocota leyondzawo alungiselela kumhlindza. ngiyakhuleka, Babe loseZulwini, kutsi, eGameni laJesu Khristu, kutsi Utomphilisa lowesifazane ngaphandle kwekuhlindvwa, ngenga yeNkhatimulo yaKho. Amen.

¹³⁷ Ungahle utsatse sihlalo sakho manje. Ungeke udzingeke kutsi ute elayinini lalabakhulekelwako. Kukholwa kwakho kuyakuphilisa. Amen. Nkulunkulu akubusise.

¹³⁸ Uyakholwa iNkhosi Jesu na? “Uma ungakholwa, konkhe kungenteka.”

¹³⁹ Dzadze, lome; wephule umkhono wakho. Umkhono wakho ulimele lapho, awunaye, dzadze na? Uh-huh. Uvela eCorydon, awusuye na? Unalomunye kanye nawe, lofikako, abazange yini?

¹⁴⁰ Uphetfwe simo sekwetfuka. Akunjalo na? Uma kunjalo, phakamisa sandla sakho. Kulungile. Manje ungaphuma futsi ubuyelete emuva, upholiswe, futsi, dzadze. Amen.

¹⁴¹ Kukholwa kwakho, ngiko. Loko, manje, nguloko lengikhuluma ngako, Moya loyiNgewe.

¹⁴² Mnumzane? Ungakholwa kutsi inkhatsato yakho yenhlitiyo seyisukile kuwe, futsi bewutosindza na? Uyakholwa na? [Lomnaketfu utsi, “Ya. Ngiyakholwa.”—Umhl.] Kulungile, mnumzane, khona-ke sewungahamba. Amen.

¹⁴³ Ake sitsi, “Akadvunyiswe Nkulunkulu.” [Libandla litsi, “Akadvunyiswe Nkulunkulu.”—Umhl.] Sonkhe siyakhuleka.

¹⁴⁴ Lodzadze lotako, sawubona? Ngicabanga kutsi sitihambi lomunye kulomunye. Ngabe singito, dzadze na? Angikaze ngikubone emphilweni yami. Ngisihambi ngalokuphelele kuwe. Njenge... Nkhosi yetfu Leyema emtfonjeni futsi yakhulumna nlowesifazane. Futsi watsi, watsi... Watsi, “Ase uNginatsise.” Bekafuna kubamba ingcogco naye. Manje, loku kusikhatsi setfu sekucala kutsi sike sihlangane emphilweni, yindvodza newesifazane futsi, akunjalo na? Yebo-ke, khona-ke, uma Jesu Khristu avukile kulabafile, futsi Wetsembisa kutsi Uyoba natsi, kitsi, ekupheleni kwemhlaba, futsi besiyokwenta tintfo letifanako Latenta, kwakuyofanele kube luhlobo lolufanako lwentfo.

¹⁴⁵ Khona-ke, uma Jesu ema lapha futsi Bekagcoke lesudu Langipha yona, intfo kuphela Lebekangayenta, mayelana... uma ugula futsi udzinga kophiliswa, Bekatokutjela, “Ngakwenta loko eKhalvari, mntfwana. Bewungakukholwa yini?” Manje, kodvwa, manje, Angakutjela lokutsite, mhlawumbe lokuliphutsa ngawe, noma lokutsite, sizatfu ungaphiliswa. Kodvwa, mine, njengoba ngisihambi kuwe, kungaba ngulokufanako nje. Akunjalo loko na?

¹⁴⁶ Manje, wonkhe umuntfu akahloniphe ngekutifbora sibili manje. Khumbulani, niseBukhoneni beNkhosi. Futsi lona kanye leliVangeli lenginifundzela lona, kusihlwa, niLibona liphila kabusha. Niyabona na?

¹⁴⁷ Angikaze ngimbone lowesifazane. Angati lutfo ngaye, angikaze ngimbone emphilweni yami. Nkulunkulu uyamati;

angimati. Kodvwa, manje bengingakhuluma naye, kuchumana nemphefumulo wakhe.

¹⁴⁸ Lugcobo lolulapha kanye nami manje nguleyoNgelosi yeNkhosi, iNsika yeMlilo yalandzela bantfwana baka-Israyeli, lokwakunguKhristu esimeni saMoya; yehla, yentiwa inyama; wabuyela emuva kuBabe; wabuya futsi kutsi aphile eBandleni laKhe, intfo lefanako. Hhayi mine; nguYe.

¹⁴⁹ Angimati lowesifazane, angati lutfo ngaye; nginemfundvo yelibanga lesikhombisa. Bukani bantfu, wena utsi . . .

¹⁵⁰ Yebo-ke, khona lapho etetsamelini, baya—baphiliswa. Bahleti nje etetsamelini, bamile noma kuphi lapho beme khona. Nkulunkulu ulapha kutophilisa, nguloko kuphela, uma ungakholwa.

¹⁵¹ Ngibona umntfwana logulako, kodvwa angikhoni kusho kutsi sewuphilisiwe; Ngisengakati kwamanje. Uma utochubeka nekukhuleka, make, ukholwa ngenhlitiyo yakho yonkhe.

¹⁵² Manje, kuwe futsi, dzadze, kukhuluma nawe. Manje, kubekhona kulamba enhlityweni yakho, sikhatsi lesidze. Loko kulamba kukuphila lokusondzele naNkulunkulu. Utame kakhulu kangako; utame futsi wehluleke; utame futsi wehluleke. Akunjalo loko na? [Lodzadze utsi, “Yebo.”—Umhl.] Uh-huh. Tingcinamba emphilwени.

¹⁵³ Lapha esikhatsini lesitsite lesendlulile, bewukhuleka ndzawanatsite, ngoba bewubhekene nentfo lebucayi, njengekuhlindwa noma lokutsite. Yebo, ngiko, ngiyakubona, dokotela, uhlolile, kutsi unalokutsite khona, ngumlente wakho, kusemlenteni wakho wangese кудла, yinkhatsato lotohlindvwa kuyo. Wenta setsembiso, uma Nkulunkulu angakuvumela usindze, kutsi uMkhonte futsi uhambé imphilo lesondzele kakhulu. Angifundzi wona umcondvo wakho. Liciniso lelo, akunjalo na? [Lodzadze utsi, “Ngiyakukholwa.”—Umhl.] Liciniso lelo. Uma kona . . . wena . . . uma loko kuliciniso, phakamisa sandla sakho.

¹⁵⁴ Manje, kukhona Intfo letsite lapha loyatiko. Ngifuna kunibuta lokutsite. EBukhoneni lapho sime khona manje, futsi kute tetsameli tikwati, kunemuzwa lonawo manje, kutsi awukaze ube nabo phambilini emphilweni yakho. [Lodzadze utsi, “Kunjalo. Futsi angikwati kukuchaza kunoma ngubani.”—Umhl.] Kunjalo. Kungoba loko kuKhanya, Moya loyiNgcwele usemkhatsini wenu nami; futsi uvele ubuyele emuva, ngisho nakulentfombatanyana. [“Futsi ngaphambi, ngime elayinini, ngeva kwangatsi nje ngi . . . Ngingativela lokutsite lengingeke ngakwati kukuchaza kunoma ngubani.”] Bativela lokufanako nabo, kulelolayini manje. Niyabona na? Lapha, kuseBukhoneni beNtfo letsite live lelingayati. Wota lapha, kute ngicele Nkulunkulu akubusise, dzadze.

¹⁵⁵ Nonkhe, niyakholwa ngayo yonkhe inhlitiyo yenu manje na? Niyakholwa na? Niyakholwa na? Uma nikwenta, tsanini, “Amen.” [Libandla litsi, “Amen.”—Umhl.]

¹⁵⁶ Babe loseZulwini lonemusa, lona dzadzewetfu lotsandzekako ume lapha unesidzingo. Tonkhe tintfo tisebentelana ndzawonye kube ngulokuhle kulabo labaKutsandzako. Futsi ume lapha, uyadzinga. Futsi ufuna kusindza. Futsi lesi sikhatsi. Ngiyakhuleka, kutsi ngalesikhatsi lesi nje, Babe, kutsi Utosusa bonkhe butsakatsaka bakhe, mhlante kuko konkhe lokungafani naWe. Futsi ngiyacela, Nkulunkulu Lotsandzekako, kutsi Utomtsetselela kuso sonkhe sono nasesiphambekweni, futsi umtsatse umfake eMbusweni waKho, kusihlwa, njengemntfwana lotelwe kabusha, futsi upholise umtimba wakhe. NgeliGama laJesu Khristu, iNdvodzana yaKho letsandzekako, ngiyakucela. Amen.

¹⁵⁷ Nkulunkulu akubusise, dzadze. Hamba, ujabula futsi ujabulile, Nkulunkulu anawe.

¹⁵⁸ Sawubona, dzadze? Ngicabanga kutsi sitihambi lomunye kulomunye, futsi. Asatani. Kodvwa uma—uma Jesu avukile kulabofile, njengoba ngisho kutsi Uvukile, futsi ngikhholwa kutsi Uvukile, futsi Bekatobe eme lapha natsi, wena nami; khonake mine ngikhuluma nawe, njengoba Enta kulowesifazane emtfonjeni, futsi Uyakhona... Futsi ngeLivi laKhe Wetsembissa kutsi Uyokwembula letintfo leti, futsi besiyokwenta tintfo letifanako Latenta, ngoba Bekatoba... Watsi, “Ngitawuba nani, kini, kute kube sekupheleni kwemhlabo.”

¹⁵⁹ Manje unganyakatiswa ngoba uva lokuncane lokungakejwayeleki, kodvwa, kuva lokukhatimulako, kodvwa nje wena, akusuye, lowo akusuye umnakenu, lowo nguYe, iNkhosi yakho—yakho, akusimi, nguYe.

¹⁶⁰ Manje, lodzadze usihambi. Hloniphani sibili, bantfu; nihloniphe sibili, ngiyacela. Niyabona na? Angimati. Nkulunkulu uyamati. Angibati bantfu, kodvwa nitokwati kutsi kunentfo letsite lapha leyenta umsebenti weNkhosi, ngendlela liBhayibheli lelatsti kuyoba ngayo. Uma... Niyakukholwa loko manje na? Niyabona na? Yebo-ke, kuyini na? YiNkhosi Jesu. Niyabona na?

¹⁶¹ Manje ngifuna nje kukhuluma naye futsi, ngoba ngi—ngiyambona lowesifazane manje njengoba asuka kimi. Yebo, lowesifazane udzabuke kakhulu impela ngako. O, bekanekulahlekelwa yingcondvo, bekakabi kakhulu, futsi kugula ngengcondvo. Solo kusakuphetse. Lelo liciniso. Akunjalo na? [Lodzadze utsi, “Yebo.”—Umhl.] Uma kuliciniso, phakamisa sandla sakho.

¹⁶² Nibe nemizwa lengakejwayeleki sibili lendlula kini, sonkhe lesikhatsi. Futsi ikakhulukati sekuhambe sikhatsi impela kusakuphetse. Utfola kutivela lokungakejwayeleki sibili. Ngabe

loko akunjalo na? Khona-ke ngiyakubona uhleti phansi esitulweni, kutsite kwephuta kuhlwa, futsi. Uyakhatsala; ungeke ukhone kwenta umsebenti wakho. Futsi—futsi loko akunjalo na? Kubangela nesimo sekuphatfwa sisu kuwe, kanjalo, ema-esidi futsi netintfo, uma unatsa likhofi noma lenye intfo kulelo layini. Ubhodla ema esidi, esiswini sakho, nakanjalonjalo. Kunjalo. Ngiyanibona nisuka etafuleni lapho kukhona intfo lenjengaleyo, ngelifasitelo, edvute nelifasitelo. Ngabe liciniso lelo na? Phakamisa sandla sakho uma loko kuliciniso.

¹⁶³ Manje, Intfo letsite lapha iyayati imphilo yakho, akunjalo na? Nginitjelile, ngaphandle kweliBhayibhelini, kutsi Jesu Khristu wenta intfo lefanako, futsi wetsembisa kutsi sitokwenta intfo lefanako. Uyakholwa kutsi nguYe na? [Lodzadze utsi, “Yebo”—Umhl.] Ngibona litfunti lelimnyama sibili lelikulandzelako, futsi, lelingudeveli. Futsi ucishe wakulinga kutsi utibulale, ngalesinye sikhatsi, akutjela kutsi bewubewulecile lilayini lelehlukanisako, kutsi awuyuze wasindziswa. Ngabe kunjalo, ngabe kunjalo na? [“Yebo.”]

¹⁶⁴ Niyakholwa, khona lapho etetsamelini manje, ngayo yonkhe inhlitiyo yenu na? Niyabona na? Kuphelele. Kuliciniso. YiNkhosi Jesu. Angiwati umbono wakho. Ngiyati labanye benu bayatibuta, ngoba ungeke sewuyifihle imphilo yakho manje. Niyabona na? Uyati bengingeke sengikwentele lutfo, kodvwa wawungeke—wawungeke uyifihle imphilo yakho kube bewufanele, njengamanje. UseBukhoneni baKhe.

¹⁶⁵ Manje, dzadze, uma ngingakhona, ngemusa waNkulunkulu, ngingakwenta kukushiye manje. Futsi uma... Bewukadze utibuta, sikhatsi sekukhululwa, nakanjani. Manje, Utokwenta, uma nitoMkholwa na? NitoMkholwa na? [Lodzadze utsi, “Yebo.”—Umhl.] Ngitoba nemkhuleko. NiyaMkholwa.

¹⁶⁶ Manje, bukani. Mhlawumbe bewungakaze usondzele emphilweni yakho kunaloko longiko manje. Manje, kute tetsameli titokwati, nemngani wakho. Lapho ume khona manje, utfobeke mbamba, umuzwa lomnandzi usedvute nawe, (akunjalo loko na?) njengeNtfo letsite lesedvute. Hhayi umnakenu; kodvwa Intfo letsite lengetulu kwemvelo. Uma loko kunjalo, phakamisa sandla sakho. Niyabona na? YiNgelosi yeNkhosi. Niyabona na? Sengiphila manje kulelinye lizinga, niyabona, eveni lakamoya. Manje ngifuna kunikhulekela ngesikhatsi lolugcobo.

¹⁶⁷ Manje, yona kanye nje leNtfo lelapha, leyati imphilo yakho, ngiyakubona kubuyela emuva le entfombataneni. Ngiyakubona njengentfombatane lencane. Bewubalekela intfo letsite. Kwa—kwakuyinfo letsite lekucohasko. Kwakuyinja. Kwakubonakala kwangatsi wawuvela esikolweni noma intfo letsite, le, kadzeni. Uyakwesaba. Bewunekwetfuka, kanjalo, yonkhe imphilo yakho. Liciniso lelo. Akusilo na? Niyabona na? Kona... ngisachubeka nekukhuluma nawe, lombono uchubeka nekutibonakalisa.

Manje, ngenca yalaba labanye, asikhuleke.

¹⁶⁸ Nkulunkulu lotsandzekako, Mcalisi wekuPhila, Nkhosi Jesu, Loyosehlulela sonkhe ekuBuyeni kwaKho; sati kutsi sibantfu labaphikelele eliPhakadzeni, futsi siyofanele sihlangane naWe ngalelinye lilanga. Ume lapha eBukhoneni baKho, futsi watu kutsi khona manje, lapha ngembili, nguMoya lowavusa Jesu Khristu kulabafile, futsi ucinisa lonkhe Livi.

¹⁶⁹ Babe, Wena utsandzeka kakhulu, ngoba U—Ubonakalisa letotintfo letiliciniso. Ukhuluma ngeliciniso. Nalodzadze ume lapha, lokukutsi uhlushwa ngumoya lomubi lotama kumtfola kutsi atibulale futsi ente tintfo ngalokuliphutsa. Kodvwa Wena ulapha kutosusa loku, Babe. Futsi ngiyakhuleka ngekwelivi laKho, lelatsi, “Celani noma yini kuBabe eGameni laMi, Ngitolwenta.” Futsi ngiyati kutsi Livi laKho liliciniso.

¹⁷⁰ Ngako, Sathane, wena lomubi lohluphe lodzadzewetfu, Ngiyakuyala eGameni laJesu Khristu, Nkulunkulu lophilako, phuma kulowesifazane.

¹⁷¹ Manje bukani ngalapha. Manje kukhona lokwentekile kini. Uyakhala. Awutiveli njengoba wenta, uyakuva na? Utiva ujabulile manje, utivela ukahle. Ngabe kunjalo na? Phakamisa sandla sakho lapha, kubantfu, ngako... Futsi uto, kholwa kutsi utosindza, futsi uye ekhaya futsi ukhonte iNkhosi na? Kulungile. Manje, unghambah, ujabule ngempela. Ngeke kuphinze kubuye kuwe.

Ake sitsi, “Akabongwe Nkulunkulu,” njengoba si... Niyabona na?

¹⁷² Kulungile, ungeta. Dzadze, ngisihambi kuwe, kuze bantfu bangacabangi manje kutsi...

¹⁷³ Niyati kutsi “kufundza ingcondvo” kuyini. Nguloko lokusengcondwensi yalomuny’umuntfu. Angikwati kukutsatsa; futsi uma kwenteka, ngitobita kutsi ungubani. Ngako, usekhatsi lapho, kusolo kuta langembili kimi. Futsi ngicabanga kutsi bafundisi basesontfweni, ngoba ngibone langembili embikwami.

¹⁷⁴ Ngifuna nje ubeke sandla sakho kusami, dzadze, ngendlela yekuchumana. Angikwati. Angikaze ngikubone, futsi anginibuki. Ngibuka ngephandle lapha etetsamelini. Uma Nkulunkulu somandla atokwembula kimi, ngembono, njengoba ngibuka ngalapha, kutsi inkhatsato yakho iyini, ungavuma futsi ukhulume liciniso, noma ngabe licinisile noma cha na? Uma utsandza, phakamisa sandla sakho. Manje kwangatsi iNkhosi Jesu ingasipha kona ngisakhuleka. Uma utobeka sandla sakho emuva kusami, ngendlela nje, kutsi kuchumane. LiBhayibheli latsi, “Kubeka tandla etikwalabagulako.”

¹⁷⁵ Yebo, dzadze, unenkhatsato yebesifazane. Yinkhatsato yebesifazane. Uma loko kunjalo, phakamisa sandla sakho. Manje

niyakholwa kutsi kukufundza ingcondvo na? Loko kwenteka. Bekasekamelweni lekugezela. Lokukutsi, bekungeke kube kuhle kusho tetsameli leticubene kanje. Lodzadze uyati kutsini; kumunywa emanti. Kunjalo. Akunjalo, dzadze na? Kunjalo. Niyabona na? Liciniso lelo.

¹⁷⁶ Manje, nguNkulunkulu kuphela longamphilisa. Ngingeke ngimphilise. Impela cha. Angisuye umphilisi. Ngiyinceku yaKhe, sitja nje lapho uMoya loyiNgcwele ufika khona.

¹⁷⁷ Kanjena khona *lapha*, lesi sipikha. *Lesi* akusiso sipikha, lena yindzawo lebekile, lipulpiti. Lesi sipikha; lenye indvodza yenta lesipikha lesi. Lenye indvodza ikwente umshumayeli, labanye... ngiconde kutsi, iNkhosi. Angikacondzi... Ngiyacolisa, bomnaketfu. Bengingakacondzi kutsi indvodza letsite ikwente umshumayeli. Bengingakacondzi loko ngaleyondlela, ngaleyondlela. Bengisho indvodza...

¹⁷⁸ Futsi, loku, kutsi nje u—usebenta emaveni lamibili. Nilapha kulelinye live; uma loko kuphuma, bese uyangena-ke futsi ubone kutsi yini leme lapha ngembili lapha, tiNgelosi taNkulunkulu, nayo yonkhe intfo. Futsi ubona tintfo letesabekako letentekako. Khona-ke u—uyatibuta ngaletinye tikhatsi, kungalesosizatfu ngitsite...

¹⁷⁹ Ngesikhatsi Nkulunkulu akubita futsi wakwenta umfundisi, Nkulunkulu wangibita futsi wangenta umboni, njengoba Etsembisa eBhayibhelini. LiBhayibheli latsi, “Wena u...” NeliBhayibheli latsi, e... ETentweni, sahluko 2, “Etinsukwini tekugcina,” loko nguletinsuku leti, “kuyofezeka kutsi Ngiyotfulula uMoya waMi etikwayo yonkhe inyama; netinsizwa tenu tiyobona imibono.” Ngabe kunjalo na? “Profetha.” Ngabe kunjalo na? Baprofethi Bayokuvusa etinsukwini tekugcina, futsi babonise imibono netibonakaliso. Ngabe nguloko liBhayibheli lelakusho na? Yebo-ke, kunguloko nje Lakushito.

¹⁸⁰ Manje, dzadze, hamba, ukholwa, unekukholwa. Kholwa ngayo yonkhe inhlitiyo yakho, naNkulunkulu utokuphilisa. Uyakukholwa na? [Lodzadze utsi, “Yebo, mnumzane.”—Umhl.]

¹⁸¹ Babe loseZulwini lonemusa, eGameni leNdvodzana yaKho letsandzekako, iNkhosi Jesu, ati kutsi lona wesifazane usedvute nekuKhanya, nelifunti emvakwakhe ngco, lelibitwa ngemdlavuza. Futsi siyakhuleka, Babe loseZulwini, kutsi Utomupha kophiliswa kwakhe kusihlwa. Futsi ngiyasilahla lesitsa lesi, etikwekuvuma kwelukholo lwakhe, neLivi leNkhosi Nkulunkulu. Ngiyamlahla lodeveli lomhluphako, eGameni laJesu Khristu. Amen.

¹⁸² Hamba, ujabulile, dzadze. Ungahlushwa. Kholwa nje ngayo yonkhe inhlitiyo yakho.

¹⁸³ Ufuna kophiliswa, uyaphiliswa, dzadze na? Bewungawkwenta... bewungangikhholwa njengemprofethi

waKhe na? Uma ngingakutjela kutsi inkhatsato yakho ikuphi, nekutsi yini lengalungi ngawe, nekutsi wenteni, bewungakukholwa na? Bewungakwenta na? Bewungadzingeka wati loko ngandlela tsite lokute ngayo. Kusecolo lakho, akunjalo na? Ya. Kunjalo. Manje uyakholwa kutsi Nkulunkulu utokusindzisa na? Uneluvalo wonkhe, nawe, futsi unetifo letelakanyanako tetintfo. Netintfo letinengi lokholwa kutsi unato, longenato, ngoba yimizwa yakho, uyabona, kuyakwenta loko. Ngaletinye tikhatsi, uma ulele phansi, utiva kwangatsi inhlitiyo yakho ikabi. Kodvwa loko akusilo lutfo kodvwa nje sisu sakho. Silondza lesincane esiswini sakho, lesibangela igesi icindzeteleke enhlitiywani yakho. Angeke kukulimate. Utosindza. Unguwesifazane lokahle. Kukholwa kwakho kukuphilisile. Uyangikhholwa na? [Lodzadze utsi, "Yebo."—Umhl.] Khona-ke uhamba ngendlela yakho, utfokota, ubonga Nkulunkulu.

Ake sitsi, "Akabongwe Nkulunkulu," wonkhe umuntfu.

¹⁸⁴ Dzadze, kusobala, uyati kutsi intfo yinye kuphela lengakuphilisa, loyo nguNkulunkulu. Nkulunkulu nguye kuphela Longaphilisa umdlavuza futsi asindzise, kodvwa Angakwenta uma ungakholwa. Kwente ngenhlitiyo yakho yonkhe na?

¹⁸⁵ Babe loseZulwini lonemusa, kuYe lesikholwa nguYe, ngyiyakhuleka, Nkulunkulu lotsandzekako, kutsi uMoya waKho lonemandla utawutsintsia lowesifazane futsi utomsindzisa. Njengoba Washo eVini laKho, "Letibonakaliso leti tiyobalandzela labakhawlako." Intfo yekugcina Lowayisho, Jesu, ngesikhatsi Ushiya liBandla laKho, Watsi, "Hambani niye emhlabeni wonkhe futsi nishumayele liVangeli. Loyo lokholwako futsi abhabhatiswe uyosindziswa, futsi loyo longakholwa uylolahlw. Naletibonakaliso leti tiyobalandzela labakhawlako; ngeliGama laMi bayokhipha imimoya lemibi; babeke tandla tabo etikwalabagulako, futsi batosindza." Nkhosi, Ucinisile eVini laKho. Futsi etikwemyalo weNkhosi Jesu, etikweLivi laKhe lelinemandla, Manje ngicela kutsi lobubi lobu buhambe, dzadze, eGameni laJesu Khristu. Amen.

¹⁸⁶ Manje hamba, ujabulile, utfokota, futsi usindze. Amen. Nonkhe nine, nine tetsameli, aniyuze... Ngifisa kwangatsi beninga... Ungahle ucabange kutsi ngisangene, kodvwa anginjalo. Cha, mnumzane. Angisuye. Kodvwa ngisho loku eGameni leNkhosi, kutsi Jesu Khristu iNdvodzana yaNkulunkulu levukile, uyaphila kusihlw, futsi ulapha kulelihhola khona manje, akhombisa tintfo Livi laKhe lelatsti Uyotenta. Akamangalisi na? Usimangaliso kakhulu. O, kuhle kanjani pho!

¹⁸⁷ Bengibuka dzadze, kodvwa ngikhholwa kutsi ngulodzadze emvakwakhe, lonenkhatsto yenyongo, uhleti emuva

lapho, longatsandza kuphiliswa. Uyakholwa kutsi Nkulunkulu utokuphilisa, dzadze na? Lohleti lapho, ngemuva kwalowesifazane; wesifazane longibukile lobukeka kwangatsi mkhulu. Yebo-ke, uyakholwa na? Emuva ngco emvakwalodzadze. Bewuhleti lapho ukhuleka, bekungenjalo na? Huh? Wena. Cha, lodzadze lohleti khona *lapha*, kukhona loko...

¹⁸⁸ Kube beningabona, uma kuphela beningabona! Bangakhi labasibonile sitfombe seNgelosi yeNkhosi na? Naku kulenga, khona lapha, etikwalowesifazane khona lapha.

¹⁸⁹ Uhlushwa ngulokutsite lokungahambi kahle kulenyongo yakhe. Kuse...ngaphansi ngco kweluhlangotsi lapha, loko kubangela inkhatsato. Futsi bekahleti lapho, akhuleka futsi acela, Nkulunkulu bekatomphilisa.

¹⁹⁰ Dzadze, ungeke usaphindze ukhatsateke. Khristu sewukusindzisile. Amen. Sibonga iNkhosi.

¹⁹¹ Ucabangani, dzadze na? Sitihambi lomunye kulomunye. Sitihambi na? [Lodzadze utsi, "Impela."—Umhl.] Asatani. Jesu Khristu uyasati, Akasati na? Uma Nkulunkulu atongembulela kutsi inkhatsato yakho ikuphi, noma intfo letsite ngawe, lowatiko kutsi angiyati, ungaMemukela njengemphilisi wakho na? Ngingumnakenu. Ngi—ngingeke sengikuphilise. Ngingumuntfu nje, njengababe wakho—wakho, noma umyeni, mnaketfu, kanjalonjalo. A—angisuye umphilisi. Kodvwa, uyati kutsi ume eBukhoneni baKhe, noma, intfo letsite, lo—lowatiko kutsi kukhona Intfo letsite lesedvute ngaphandle kwemuntfu. Akunjalo loko na?

¹⁹² Manje, kubangani benu ngephandle lapho, nakufakazi weNkhosi Jesu, kute bat, nekutsi tetsameli titociniseka. Ngoba, emvakwalobusuku lobu, bayobabanengi labema ekwahluelweni. Niyabona na? "Kute bat!"

¹⁹³ Ngifuna kusho lokutsite nje. Kusukela nje wenyukela lapha, ngisho namanje, kutsi kukhona lutsandvo sibili, lolutfobekile, lolumnandzi lolumnandzi lolukutungeletile. Kutsi u...Uma loko kunjalo, phakamisa sandla sakho, futsi angikaze ngikubone emphilweni yami. Manje, kubantfu labamatiko, bewungeke ukume edvute kangaka ungaKwati, ungaKucondzi. Futsi Ulapha. Loyo nguMoya loyiNgcwele. Niyabona na? I... Unemtselela lomkhulu etikwe—kwemuntfu. Kufanele kuge yintfo letsite.

¹⁹⁴ Sibonelo nje, uma u—uma ubona lokutsite ngeliso, kutoba nemtselela kuwe. Futsi uma kukhona umuzwa wekuva, futsi uma kubakhona lokutsintsia loko kuva, ku—kuletsa emadlingozi, niyabona. U—ufanele. Niyabona, kufanele kuncwayise, futsi useBukhoneni baKhe. Manje, ngi...

¹⁹⁵ Uma Nkulunkulu atongitjela kutsi yini inkhatsato yakho, utoMemukela njengemphilisi wakho ke, ngako na? Inkhatsato

yakho yinkhatsato yebesifazane, kungahambi kahle kwetinfo kwebesifazane. Kunjalo. Unetinhlungu, phansi, eluhlangotsini. Akunjalo loko na? [Lodzadze utsi, "Kunjalo."—Umhl.] Lishubhu. Futsi lisek-... Lingenwe kugula. Unebovu kulo, futsi kukubangela inkhatsato. Ngaletinye tikhatsi kubi kakhulu kunalokwake kwenteka. Ngiyakubona, tinsuku, uma utitsintsia futsi uhamba nje, ucishe impela uhlanganise ematinyo akho ndzawonye. Loko nje kusandza kwenteka. Ngabe kunjalo na? Awukholwa kutsi ngifundza ingcondvo yakho, uyakholwa, dzadze na? ["Cha."] Ulikholwa.

¹⁹⁶ Manje, Jesu watsi, "Letibonakaliso leti tiyobalandzela labakhawlako; Uma babeka tandla tabo etikwalabagulako, bayosindza." Manje, liBhayibheli latsi letintfo leti tiyokwenteka. Futsi wena khona manje...

¹⁹⁷ Bukani. Kucala, Livi, Livi laNkulunkulu lasho kutsi letintfo leti tiyokwenteka.

¹⁹⁸ Lapha, wenyukela kimi, usihambi, ungazange sewungibone. Futsi utsi nje ungenyukela lapha... Uhambe embikwemadvodza sonkhe sikhatsi, bafundisi, kodvwa awuzange utivele kanjena emphilweni yakho. Niyabona na? Khona-ke naku kuta Intfo letsite phansi, loMuntfu lotsandzekako lolapha natsi manje, akutjele kutsi inkhatsato yakho ikuphi, nekutsi bewentani. Khona-ke uyati kufanele kube ngulokungetulu kwemvelo, akunjalo na?

¹⁹⁹ Khona-ke, uyakholwa kutsi ngilikholwa na? [Lodzadze utsi, "Amen."—Umhl.] Khona-ke uma ngibeka tandla etikwakho, futsi ngicela kuphiliswa kwakho, kutomele kusindze, kungeke na? ["Kunjalo."] Khona-ke wota langembili, uma utsandza. Asengibeke nje sandla sami kusakho.

Futsi singakhuleka, sisakhotsamisa tinhloko tetfu.

²⁰⁰ Babe wetfu loseZulwini lotsandzekako, ngati kutsi Bukhona baKho bulapha, futsi Ungumninimandla. Ungulosetindzaweni tonkhe. Futsi ngiyakhuleka, ngaJesu, iNdvodzana yaNkulunkulu, kutsi Utophilisa lodzadzewetfu. Futsi ume lapha eBukhoneni baKho, manje, futsi Uyagcoba. Futsi ngicela kutsi Ususe bubi emtimbeni wakhe. Manje, siyati kutsi kuyobita imphilo yakhe, futsi imtfumele ethuneni sikhatsi singakefiki, kodvwa Ulapha kutsi ukususe. Futsi, Babe, sikhulekela kutsi Utokwenta. Futsi siyati kutsi sinako lesikucelako, ngoba Wena ulapha kutofakaza kitsi kutsi Uvukile kulabafile. Futsi Uyamati lowesifazane. Bewumati kusukela efika emhlabenii. Futsi ulapha wembula kuye tintfo latentile emphilweni yakhe, nekutsi yini lengalungi ngaye.

²⁰¹ Futsi, manje, etikwe—kweliguanya leLivi laNkulunkulu, ngita kuphonsela sitsa insayeya emtimbeni wakhe. Wena sitsa, lobitwa ngadeveli, ngiyeta, ngibita sipho lengakhontwa sona yiNgelosi, leso wena, Sathane, lowati kahle ngaso,

futsi ngiyakuyala ngaNkulunkulu lophilako, Jesu Khristu iNdvodzana yaNkulunkulu, kutsi uphume kulowesifazane, nekutsi ungasaphindzi umhluphe futsi! Amen.

²⁰² Nkulunkulu akubusise, dzadze. Hamba, ukholwa ngayo yonkhe inhlitiyo yakho, utosindza. Ngibhalele bufakazi bakho, ngitjele kutsi kwentekeni etulu lapha uma uta.

²⁰³ Ungatsandza yini kwendlula kuleyonkhatsato yenhlitiyo, mnunzane, usindze? Suka langembili, utsi, “NgiyaKubonga, Nkhosi Jesu, ngekungiphilisa,” futsi utosindza. Amen. Kholwa manje ngayo yonkhe inhlitiyo yakho.

²⁰⁴ Ngifuna kunibuta lokutsite. Ngesikhatsi ngitsi “inkhatsato yenhlitiyo” kuye, kukhona lokwenteka kuwe. Bekungesiko na? Ngoba, nguloko lobewunako, nawe. Ngesikhatsi ume entasi lapho etetsamelin, emizuzwini lembalwa leyendlulile, utsite, “Yebo, ngiyakholwa.” Futsi kusukela ngaleso sikhatsi, kubenemehluko kuwe, bekungenjalo na? Kunjalo. Kodvwa, uyabona . . . [“Be—be—be—bengicabanga kutsi bengikukholwa loko lobewukusho kuleyondvodza.”] Kunjalo. Impela. [“Futsi leyo yinkhatsato yenhlitiyo. Beningacabangi ngami.”] Ngiyati. Kodvwa ngesikhatsi ungiva ngisho loko kuleyondvodza, lelengikushito, khona-ke intfo letsite, utivele umangalisa, awukaze yini? Manje, nguloko lokuta kuwe, kuletsa kophiliswa kwakho. Uyakholwa ngenhlitiyo yakho yonkhe na? [“Yebo. Ngiyakholwa, yonkhe inhlitiyo yami. Ngiyakholwa.”] Wota, dzadzewefu.

²⁰⁵ Babe loseZulwini lonemusa, ngikhulekela kutsi, eGameni laJesu, kutsi Utobonakalisa lutsandvo lwaKho kulona wesifazane. Futsi utomphilisa futsi umente aphiliswe ngalokuphelele, njengoba ngibeka tandla etikwakhe, eGameni laJesu Khristu. Amen.

²⁰⁶ Manje, angati, ngephandle lapho, bangakhi lokholwako manje ngenhlitiyo yenu yonkhe na? Niyakholwa na? Phakamisa sandla sakho.

²⁰⁷ Ngabe ukhona umuntfu ekhatsi lapha, longesuye umKhristu, ngaphambi kwekutsi sikhulekele labagulako, lotsi, “Manje ngemukela Jesu njengeMsindzisi wami. Bengisolo ngesaba kancane emphilweni yami”? Nkulunkulu akubusise, nsizwa lehleti etulu lapho. Nkulunkulu akubusise, dzadze lome nalomntfwana. Lomunye ungasiphakamisa sandla sakho, utsi, “Manje sengemukela Jesu Khristu njengeMsindzisi wami”? Nkulunkulu akubusise, dzadze.

²⁰⁸ Khumbulani, ningeke, mhlawumbe, nite nifike eZulwini, nibe sebuKhoneni Bakhe kakhulu kanaloko leningiko manje, nimBone ahambisana nebantfu.

²⁰⁹ Lomunye futsi, sisakhotsamisa tinhloko tetfu umzuzwana nje?

²¹⁰ Babe loseZulwini, Ufuna bantfu kutsi bakholelwe kuWe. Ufuna bantfu kutsi baKutsandze. Labane noma labasihlanu baphakamise tandla tabo, kutsi bafuna kuKwemukela njengeMsindzisi locondzene nabo. Ngiyakhuleka, Babe, kutsi Utosebentana njengamanje. Futsi akutsi besilisa nebesifazane, labasengakaze bete kuWe, noma mhlawumbe basuke kuWe, futsi basuke ebandleni, futsi basuke ekukhonteni, futsi bafuna kubuyela kuWe, futsi bayati kutsi Ulapha, futsi ba—bayati kutsi nguWe lolokhuluma nabo njengamanje, Ngiyakhuleka kutsi ngekutitfoba baphakamisele tandla tabo kuWe, bati kutsi ngalelinye lilanga batohlangana naWe. Futsi mhlawumbe ngaphambi kwekutsi lomnyaka uphele, noma mhlawumbe ngaphambi kwekutsi kuphele leliviki, bangeta ku—kutohlangana naWe, futsi bafuna kungena ngekuthula, bati kutsi tono tabo titsetselelwe.

²¹¹ Futsi, Babe, ngibanika, ngeLivi laKho, setsembiso; kutsi Watsi, “Loyo lova emaVi aMi, futsi akholwe NguloNgiftumile, unekuPhila lokuphakadze; futsi akasayi ekwahlulelweni, kodywa wendlulile ekufeni wangena ekuPhileni.”

²¹² Sisakhotsamise tinhloko tetfu, nemculo udlala, Ngiyatibuta, mngani longumKhristu, noma umngani losoni, ngabe ukhona lomunye ekhatsi lapha na? Hhayi kimi, umnakenu; kodvwa lowatiko kutsi iNkhosi Jesu isedvute, ungasiphakamisa sandla sakho na? Tinhloko tenu tikhotseme, kute ngisho namunye lobukako, ngiyacela. Phakamisa nje—nje phakamisela sandla sakho kuNkulunkulu, futsi utsi, “Ngalesandla lesiphakeme, manje ngifuna kwemukela Jesu njengeMsindzisi wami. Lapho Asesedvutane nami, ngifuna kuMemukela njengeMsindzisi wami.” Ningatiphakamisa tandla tenu na? Nkulunkulu akubusise; wena; wena entasi lapho, dzadze lomncane; wena, mfana lomncane; wena, dzadze; nawe. Loko kuhle. Nkulunkulu anibusise. INkhosi Jesu ayibe nemusa kini, nonkhe.

²¹³ Ngabe bakhona labanye lapha lobekavamise kuya esontfweni futsi atsatse incenye ebandleni lelitsite ndzawanatsite, futsi sewukhashane nelisontfo, awusayi esontfweni futsi? Anginandzaba kutsi nguliphi libandla; loko akunandzaba. Kodvwa ufuna kubuyela ebandleni lakho, bese utsatsa inhlanganyelo yakho phindze nebantfwana baNkulunkulu, futsi ufuna kukhunjulwa emkhulekweni, kutsi Nkulunkulu utokuvumela ubuyele emuva na? Phakamisa sandla sakho. Utokwenta na? Nkulunkulu akubusise. O, hhe! Kunetandla letiyidazini, ngiyacabanga, etulu. Manje, loko kuyamangalisa. Yenta loko, utokwenta na?

²¹⁴ Umnaketfu, umfundisi, utonibitel enhla e-altari, emva kwesikhashanyana, umnaketfu, Junior Jackson, ngalokubitela e-altari, emizuzwaneni lembalwa nje.

²¹⁵ Kodvwa ngifuna kukubuta umbuto. Sewuyakholwa manje

kutsi iNkhosi Jesu ilapha, futsi ungatsandza kophiliswa na? Ungasiphakamisa sandla sakho, phakamisa sandla sakho nje uma ufuna kophiliswa? Nkulunkulu akubusise. Nkulunkulu akubusise.

Manje tinhloko tenu tikhotseme.

²¹⁶ Ngibona dzadze lohleti khona lapha, umzuzzwana nje. Yebo, unalokungahambi kahle kwebesifazane. Ahleti khona lapha, nesandla sakhe siphakamele ngasenhloko yakhe. Nkulunkulu akubusise, dzadze. Sandla sakho siphakamile emizuzwini lembalwa leyendlulile. Awusadzingeki kutsi uphindze ukhatsateke. Nkulunkulu, Uyakuphilisa; kukholwa kwakho.

²¹⁷ Mnaketfu, wena lohleti emuva lapho ubuke ngakimi, nekuchachatela, nelidvumbe lelitsite, unenkinga yebesilisa. Ufanele uvuke ebusuku. Awunjalo na? Kunjalo. Yebo, mnumzane. Futsi manje, loko, uyakholwa kutsi Jesu Khristu uyakusindzisa na? Uma ukwenta, kulungile, khona-ke ungaba nako kophiliswa kwakho. Nkulunkulu akubusise. Loko kuhle.

Manje hloniphani ngekutifoba sibili, wonkhe umuntfu.

²¹⁸ Etulu kuvulande losesitezi lapha, ngale ngesekudla sami, lomunye laphaya utsi, "Nkhosi Nkulunkulu, ngiyaKukholwa ngenhlitiyo yami yonkhe. Ngifuna kukhunjulwa evini lemkhuleko njengamanje." Ungasiphakamisa sandla sakho, akunandzaba kutsi uwakuphi. Nkulunkulu akubusise, ndvodzana. Nkulunkulu akubusise, dzadze. Nkulunkulu akubusise. Nkulunkulu akubusise.

²¹⁹ Ngibona emanti lamanengi, ageleta. Sitfunya senkholo sihleti lapha siyahuleka, naso. Kwangatsi iNkhosi Nkulunkulu ingakubusisa, dzadzewetfu, futsi ikunike sifiso senhlitiyo yakho, futsi. INkhosi ibe nawe.

Utsi, "Ukwati kanjani loko, Mnaketfu Branham?"

Ngifanele ngikusho. Naku ke, iNgelosi yeNkhosi ikhona.

²²⁰ Manje, wena, ngitokucela kutsi wente lokutsite. Wena lohleti eceleni kwalotsite kuwe, logulako, ningatibeka tandla tenu etikwabo umzuzzwana nje, sentele livi lemkhuleko, bekani tandla tenu etikwalomunye nalomunye, nentele livi lemkhuleko? Kunjalo. Nkulunkulu utowuva umkhuleko wenu, futsi. Uyanitsandza. Ulapha, futsi Ufuna kuniphilisa.

²²¹ Babe wetfu loseZulwini, ngiletsa letetsameli leti kuWe njengamanje, ngati kutsi Ulapha, awukaze wehluleke ngisho nakukunye. Awehluleki, Nkhosi. UNGU Nkulunkulu, futsi Ungeke wehluleke. Nesimo saKho kulabantfu labalishumi noma labalishumi nesihlanu labeta langembili, kusihlwa, simo saKho ngakulowo nalowo. Labanengana ngephandle lapho etetsamelini, mhlawumbe labasiphohlongo noma labalishumi ngephandle etetsamelini lapho, kutsi Ukhombise imibono

kubo, wabatjela kutsi tifo tabo betiyini, nekutsi bebayini. Ngani, UyiNkhosi Jesu. Niyabati bonkhe. Futsi Ungembula, etincekwini taKho letitfobekile, loko lokudzingekile.

²²² Futsi ngiyakhuleka, Babe loseZulwini, njengamanje, kutsi Uyababona, njengoba banjalo manje... Futsi ngikhulekela kutsi enhlitiyweni yaKho lenkhulu, lengatiko kutsi ingale khashane kunaloko luvelo lwemuntfu lolungaba ngiko, kodywa Wena babuke futsi ubone sidzingo sabo, futsi uphilise wonkhe umuntfu. Nkhosi, Uyatati timo tabo. Futsi ngiyakhuleka, ngeliGama laJesu, kutsi, khona manje, kutsi Utobaphilisa.

²²³ Nesitsa, develi lobabophile, nekungakholwa lokubabophele etimeni letitsite, ngiyakuyala, sitsa saJesu Khristu, kutsi uphume kulabantfu, futsi ubayekele, ngeliGama laJesu Khristu.

²²⁴ Manje, tinhloko tenu tikhotseme, nikholwa ngenhlitiyo yenu yonkhe, kutsi Jesu Khristu iNdvodzana yaNkulunkulu ulapha, futsi uyanisindzisa, kutsi nihleti eBukhoneni baKhe, futsi niyakholwa. Futsi uma nikholwa ngenhlitiyo yenu yonkhe, futsi ukholwa kutsi ungakwemukela kuphiliswa kwakho, nenhloko yakho ikhotseme, phakamisa sandla sakho; uma utivela kutsi ungakwemukela kuphiliswa kwakho, kutsi uphilisiwe. Nkulunkulu anibusise. Loko kuyamangalisa. Tetsameli tonkhe, nato tonkhe, ngiyakholwa, letiphakamise sandla sato, manje semukela kuphiliswa kwabo. INkhosi inibusise.

²²⁵ Sisakhotsamisa tinhloko tetfu futsi, sentela livi lemkhuleko lelivela kuMnaketfu Junior Jackson, nenhloko yenu ikhotseme. Kulungile, Mnaketfu Jackson, iNkhosi... [UMnaketfu Jackson uyakhuleka—Umhl.] 

56-0200 Kulwela LoKuKholwa
EGeorgetown High School
EGeorgetown, E-Indiana E-U.S.A.

SWATI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprintwa yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org